

MBINGANO NA THALANO

 Kha ri kotamise zwifhačuwo zwashu zwino lwa tshifhinganya tsha thabelo. Khotsi wa Tshilidzi nga maändesa, ri a U livhuwa matsheloni ano kha iyi pfanelo ya u vha fhano kha ino oditoriamu, ro livhana na mvelelo ya ḫuvha. Fhedzi a ri ḫivhi zwe ḫuvha la fara zwone, fhedzi ri ḫivha O faraho ḫuvha. Ngauralo ri rabela uri Ene O faraho ɬamusi na matshelo, na Vhutshilo-tshothe hothe, u do ri fhatutshedza ɬamusi musi ro kuvhangana rothe nga Dzina Lawe, uri ri kone u ḫivha zwa khwine uri ri nga tshila hani uri ri Mu shumele. Iyi ndi ndivho yashu yo dalaho, Khotsi. Mudzimu, A ḫivhaho mbilu dzashu, u a ḫivha uri izwi ndi ngoho. Ri dikumedzela kha Iwe, na tshi–tshipida tshi ḫaho tsha ḫuvha, u itela tshumelo Yau, Dzinani la Yesu Kristo. Amene.

Dzulani.

² [Mukomana Branham u amba na muňwe kha pulatifomo—Mudz.] Ndi a ni livhuwa. Ngeyi inwe hafha.

³ Ndi matsheloni avhudí, vhathetshelesi vha vhonwaho khathihi na vhathetshelesi vha sa vhonwiho kha lushaka hune ra vha na vhułumani naho matsheloni ano. Izwi zwi nnea pfanelo khulwane ya u da fhano na u amba matsheloni ano nga ha iyi ḫohoho ya ndeme. Kha vhathetshelesi vha vhonwaho, ngoho zwi a ḫadisa zwiłuku, ngauri nga phanda hanga hu na dzixaradeni, zwenezwo ndi tea u amba kha tsha u la na kha tsha monde. Huno kha vhathetshelesi vha sa vhonwiho, ndi na oditoriamu kha tsha u la tshanga, na vhugudelo kha tsha monde tshanga; huno ndi fuloroni, na xaradeni dzo vulea vhukati, dzi kha tshanda tshanga tsha u la na tsha monde. Huno ro dalesa, matsheloni ano, kha oditoriamu, na hone vhugudelo, na yone kereke, kereke phasi kha Tshiṭaraṭa tsha Eighth na Penn. Huno fhethu ho dalesaho, sisteme ya lutingo i khou u isa huńwe fhethu.

⁴ Ro vha na tshifhinga tshihulusa Murenani, huno ri na ndavhelelo khulwane ya iyi tshumelo matsheloni ano. Huno zwino madekwana a ɬamusi hu tshifhinga tsha u vala tsha aya maduvha maña a fulo, mulandu, zwa vhukuma ri ramba vhothe, vha no kona, u vha fhano. Ri fulufhela uri Murena u do ri nea mathakheni mahulwane madekwana a ɬamusi nga u ita tshińwe tshithu tshi firahro mpimo nga maända, u swika hune A do fhodza vhalwadze vhothe nahone a ita zwithu zwiħulwane zwine A ita kanzhi. Huno ri na ndavhelelo khulwane ya nga madekwana. Vhathu vha khou rambiwa nga muya mutshena, muńwe na muńwe, tshivhidzo tshińwe na tshińwe tsha dinomineisheni inwe na inwe. Inwi a ni tei u vhuya na vha Mukriste; zwa vhukuma ri khou vhidza

vhaitazwivhi uri vha dzhene, vha dzule vhukati hashu. Huno ri ita zwashu zwa khwinesa nga maanda u vha funza uri ndila ya Murena ndi ifhio, uri ri kone u tshila.

⁵ Zwino ndi fhulufhela uri vhathetshelesi a vha nga vhi na mazhuluzhulu. Huno nne ndi fulufhela kha Mudzimu uri a thi nga vhi na mazhuluzhulu, ngauri ndo vha na vhusiku vhuhulusa, vhuleme vhuhulu. Ngauri ndi a limuha uri zwithu zwine nda amba matsheloni ano ndi do sengiselwa zwone nga Duvha la Khaṭhulo, huno ndo—ndo kundelwa u edela, huno ndi a divha uri arali ndi sa zwi ambi ndi do sengiselwa zwone nga Duvha la Khaṭhulo. Ngauralo zwi ita uri zwi kondé, ni nga si kone u zwi ḥalutshedza.

⁶ Huno zwino matsheloni ano ndi iyo thoho khulwane ine ra tea u i rera nga ha *Mbingano Na Ṭhalano*. Huno tsho itisaho uri ndi i ite tshikolo tsha Swondaha, ndi u itela uri ri ambe nga hayo huno ra shumisa tshifhinga tshashu, vhudzuloni ha u rera therò nga hayo. Ndi pfunzo i bvaho Luñwaloni.

⁷ Huno ndi—ndi ḥodou amba uri, arali muñwe mushumeli-vho kana vhashumeli, huñwe fhethu-vho, arali iyi theiphi ya vhuya ya wela zwandani zwavho, arali ra i andadza iyi theiphi. A thi divhi zwine tshividzo tsha do ita ngayo. Ndi humbela Mukomana Fred uri a vhone bodo ya tshividzo a sa athu andadza iyi theiphi. Na kha vhoinwi vhathe vha re nnda kha lushaka, vhanie na vha na theiphirekhoda dzo setiñwaho, ndi humbela uri ni songo bvisa theiphi nndani ha musi ni tshi pfa zwi bvaho ha Mukomana Sothmann nga hayo.

⁸ Zwino, arali i tshi andadziwa, huno muñwe wa vhakomana-vho vhanga vha re vhashumeli, kana muñwe Mukriste-vho huñwe fhethu, ane a sa do andana na zwithu zwine nda khou zwi amba nga ha iyi thoho, ndi—ndi fulufhela uri ni nga si Li sassaladze. Arali ni sa Li pfesesi nga ndila ine nda Li funza, zwo luga, ni na pfanelo kha hezwo, sa mushumeli, sa mulisa. Huno ndi thonifha tshiñwe na tshiñwe-vho tshire na tenda.

⁹ Huno hu na zwikolo zwivhili zwiñlwanie nga ha heyi. Huno arali hu na mbudziso mbili, hu na iñwe yadzo i no tea u vha yone, kana a hu na na iñwe yadzo i re yone. Ngauralo ri khou yo lingedza u sedza kha Ipfi la Mudzimu, matsheloni ano, u ladza heli. Kha nne, arali hu mbudziso ya Bivhili, Bivhili ngangoho i na phindulo yayo.

¹⁰ Huno zwino ri sa athu vha na hezwi, u thoma iyi thoho, kha ndi ri, ndi sa athu rabelela Ipfi, ndi ḥodou bula kha muñwe na muñwe wanu, uri ndi... vhoinwi Vhakriste nga maanda, uri ndi tama... ndi—ndi ḥoda vhoinwi ni tshi nthabelela matsheloni ano. Huno nnda hothe kha vhathetshelesi vha sa vhonwiho vha no khou thetselesa ngomu matsheloni ano, nthabeleleni, ngauri ndi ḥodou vha a fhulufhedzeaho nahone wa ngoho.

¹¹ Zwino ri a limuha, kha u ita izwi zvitatamennde, muriwe, arali hu muthu muthihi fhedzi, u do Li kwambatela vhunga Lo vha li vhukati ha vhutshilo na lufu. Hu na vhanzhi vha vhoiwi fhano vha no do tuwa vha tshi tenda. A hu na zwinwe, vhanzhi vha vhoiwi, khañwe, a vha nga do ralo. Fhedzi ndi a divha, kha mushumo wanga, hu na vhathu vha no da u nthetshelesa, huno vha thetshelesa zwine nda todou amba; vha bvaho, zwo luga, vho dzula henehafha matsheloni ano, nga lwa dzitshakha, vha bvaho kha manzhi a la United States, Canada, na seli ha malwanzhe. Huno ni nga humbulela vhuleme vhune ha ni vhea khaho, u divha uri vhuyo ha U Ya Nga Hu Sa Pheli ha uyo muthu vhu zwandani zwanu, ngauri u khou yo farelela kha zwine na amba. Ngauralo Mudzimu u do ita uri nne ndi zwi fhindule, huno ndi todou da na hezwi nga u fulufhedzea u ya nga hune nda kona.

¹² Zwino ndi—ndi humbela khaladzi dzashu. Nahone ndo shandukisa maiwe maipfi anga uri ndi kone u zwi amba phanda havho. Billy u na zwinwe zwithu tshikwamani tshawe, matsheloni ano, ngei nnda, zwe zwa sa kone u ambiwa phanda ha vha—vhathtshelesi vho vanganaho. Huno zwinwe zwine ha vha na khonadzeo ya uri ndi do zwi amba, ni fanela u pfectesa. Zwi dzhieni zwi tshi bva ha—ha mukomana wañu, lwa khwinesa lune nda divha. No vha ni tshi do dzula ofisini ya dokotela huno na mu thetshelesa, o vha a tshi do amba na inwi maipfi a pfalaho nga maanda. Huno vhañwe vhañu vhaftumakadzi vhaswa na vhañhannga, a thi todii ni tshi vha na kuhumbulele kwo khakheaho. Ndi todii ni tshi tenda, huno na dzula na tokomelwa. Elelwani, Ngoho i tea u ambiwa i Ngoho.

¹³ Huno, zwino, a hu na na thimothimo ya uri hu do vha na vhanzhi vha vhoiwi vhane vha sa do añdana na zwine zwa do ambiwa, fhedzi ndi khou todii u ni sumbedza zwone nga Bivhili. Huno zwenezwo ndi a tenda, arali ni tshi do vha na khuliso na thetshelesa, zwenezwo ni do vha na pfectesa ya khwine na muhumbulo wa zwe nda vha ndi tshi khou zwi ombedzela, tshifhinga tshothe. Ndi tenda uri izwi zwi do zwi talutshedza, huno ndi a fulufhela uri zwi do ralo.

¹⁴ Zwino ri nga di lapfisa zwiñuku, awara na hafu, kana khamusi ra lapfisa, kha hoyu. A thi ñivhi uri u do dzhia tshifhinga tshingafhani.

¹⁵ Huno zwino hafhu, ndi todou amba zwauri, kha tshino tshifhinga, izwo, ndi tshi ñivha uri vhathu vha farelela kha maipfi aña; vha a ita, kha mufunzi wavho. Huno, a hu na zwinwe, ndo vha ndi mufunzi.

¹⁶ Huno vha farelela kha maipfi a mufunzi, u tou nga ho vha hu vhukati ha lufu na vhutshilo. Vha farelela kha maipfi a tshifhe wavho, u tou nga ho vha hu lufu na vhutshilo. Huno a hu na zwinwe, mufunzi, khañwe nga zwe ñithe zwine a ñivha ndila ya u zwi ita, u khou funza vhathu vhawé u tou fana kokotolo na zwe a funziswa zwone kha semina; a

hu na na thimothimo ya uri tshifhe, na ene, kha vhurereli ho fhambanaho vhune ha vha na vhotshifhe. A hu na zwiñwe, zwa vhukuma mufunzi ndi tshifhe; ndi mulamuleli. Ngauralo, arali tshifhe, kha zweþe zwine a funzwa kha yawe, kha semina na dzimonasiþiri, munna a re na vhufulufhedzei ha ngoho-ngoho u amba kokotolo zwenezwo zwine a funzwa zwone.

¹⁷ Zwo luga, zwenezwo, a thi na tshenzhemo iñwe-vho ya semina kana tshenzhemo ya monasiþiri, nahone a thi lwi nayo na luthihi, fhedzi ndi na vhutshilo vhu songo doweleaho nga maanda.

¹⁸ Ndo vhidzwa ndi tshi kha ði vha mutukanyana. Huno kha izwi ndo newa tshiga tshi vhonwaho, tshi pfalaho, kha—Khavhu ya Mulilo yo nembelelaho tshiþakani, ndi na miñwaha ya sumbe, henehafha kha Utica Pike. Khotsi anga vho vha vha tshi khou shumela Vho-O.H. Wathen vho faho zwa zwenezwino. Huno no vhala bugu, ni a ðivha nganea ya hone. Huno u bva tshifhingani itsho... Ngei fhasi mulamboni Ya mbo bvelela i tshi vhonala phanda ha vhathe. Huno zwino Yo tenda tshifanyiso tshi tshi dzhiwa, zwifhinga zwinzhi, huno yo nembelela Washington, D.C., sa nzivhanyedziso, Holoni ya Vhurereli ya Divhavhukonesi, sa Tshithu tshi re tsha ntha ha mupo tshi tshoþe tshe tsha vhuya tsha sumbedzwa nga lwa saintsuri tshi nga fodiwa; yeneyo Khavhu ya Mulilo nthihi, i re na mbonalele yeneyo nthihi kokotolo na ndila iñwe na iñwe, ye ya bvisa Israele kha la Egipita. Ndi tenda uri Ndi Yesu Kristo nga tshivhumbeo tsha Murwa, kha U Vha Murwa wa Mudzimu.

¹⁹ Ngauri O pfi “Murwa-muthu” musi A tshi ða lwa u thoma, zwino U pfi “Murwa wa Mudzimu,” kha Nwahagidi U ðo vha “Murwa wa Dafita.” U ða e Murwa-muthu, Muporofita, sa zwe ha ambiwa nga Hae; zwino Ndi Murwa wa Mudzimu, kha zwa ntha ha mupo; kha Nwahagidi muhulwane une wa khou ða, U ðo vha Murwa wa Dafita, o dzula kha khuluñoni ya Dafita. Vhunga vhavhali vhothe vha Bivhili vha tshi ðivha uri iyo ndi pfulufhedziso yo Khetheaho ya Mudzimu, kha Dafita, U ðo vusa Murwa Wawe uri a dzule kha khuluñoni yawe.

²⁰ Huno zwino nga mushumo u kanukisaho, u songo doweleaho, ndo vhidzwa tshiñwe na tshiñwe u bva kha “Mudzimu” u ya kha “diabolo.” Huno izwo, tshifhinga tshoþe zwi nga iyo ndila.

²¹ Izwo ndi zwe uyu atshibishopo wa tshivhidzo tsha Katolika a mmbudza zwone vhuñwe vhusiku henengei fhasi, he therisano ya vha i hone, zwe a ri, “Mukomana Branham, Yohane Mulovhedzi o ðidivhadza nga ndila i pfalaho Mañwaloni, sa zwe zwa ambiwa nga muporofita Yesaya.” A ri, “Mushumo wañu wo ðivhadzwa nga ndila i pfalaho Tshivhidzoni.” A ri, “Vhaluþere vha hone Bivhilini.” A ri, “Vhaluþere vho ðivha Luther. Vhawisili vha ðivha Wesley. Fhedzi mini-ha nga ha Vhapentekostaþa?” Ha pfi, “Vha khou tendeleka. A vha ðivhi hune vha nga ya hone.”

Huno nda ri, “Munē wanga, izwo ndi a zwi takalela.”

²² Huno ho vha hu nga itsho tshifhinga tshe Muya wa wela kha mufumakadzi, ha athu mmbona na kathihi, mufumakadzi wawe...huno a amba nahone a dīvhadza zwenezwo zwithu zwithihi.

²³ Zwino, u fhulufhedzea, phanda ha uyu Mulaedza une nda u amba matsheloni ano, a thi dīvhi. Nda mu vhudza, nda ri, “Munē wanga, izwo ndo kundelwa u zwi amba. Itsho ndi tshithu tshihulwane u tshi amba. Tshi nga tshone.”

²⁴ Tshithu tshithihi tshirendra nda tshi divha, ndi tsha uri hu na tshiñwe tshithu tsho iteaho, ngangoho. Zwithu izwi zweñothe, fhedzi, zweño sumbedzwa nga lwa saints, huno zweño sumbedzwa u mona na u mona na shango, zwi nga si tou vha lungano lu siho. Ndi Ngoho. Ndi mini? Kha ndi ri, ndi tshi khou tou bula, ndi sa athu amba na inwi matsheloni ano, a thi dīvhi. Nahone ndo vha ndi si nga lingedzi u ita tshiñwe-vho u swika ndo no pfa Ene we a amba na nne tshifhingani tsho fhiraho huno a mmbudza izwi zwithu.

²⁵ Elelwani, Murena Yesu Kristo washu ho ngo Dīdīvhadza sa Murwa wa Mudzimu na kathihi. O ri, “No ri Ndi ene; Ndo bebelwa zwenezwi,” na zwiñwe-vho, fhedzi Ho ngo Dīdīvhadza na kathihi.

²⁶ Huno, zwino, iyo yo vha i Khavhu ya Mulilo ye ya ranga phanda vhana vha Israele, ho vha hu Murena Yesu Kristo nga tshivhumbleo tsha Muya, (izwo ni a zwi tenda?), Logos le la bva kha Mudzimu. [Tshivhidzo tsha ri, “Amene.”—Mudz.]

²⁷ Huno zwenezwo musi O vha e kha liphasi, O ri, “Ndi bva ha Mudzimu, huno Ndi ya ha Mudzimu.” Izwo ri a zwi dīvha rothe.

²⁸ Huno nga murahu ha lufu Lwawe, u swiñwa, na myuwo. Saulo wa Tharasisi o vha e ndilani yaye ya u ya Damaseko, u tovholu vha—Vhakriste, nge vha vha tshi khou funza zwithu zwe zwa vha zweño fhambana na zwe vha vha vho funziwa. Huno o vha e swole liphulwane; fhasi ha Gamaliele, muñwe wa vhadededzi vhavhudisa vha ilo duvha, tshikoloni tshavho, monasitiri wavho; nahone munna muhulwane, na muofisiri wa tshivhidzo. Huno ho vha hu henehfo he Tshedza tshihulwane, Khavhu ya Mulilo hafhu, ya mu rwa a wela fhasi, masiari tshivhangalala. Huno Ipfila ri, “Saulo, Saulo, ndi ngani u tshi Ntovholu?”

²⁹ Zwino arali ni tshi dzhiela nzhele musi Paulo, Saulo, o no vuwa, a ri, “Murena, U Nyi?” Zwino, uyo mutukana, e Muyuda, zweño vhukuma o vha a sa nga vhi o vhidza tshiñwe tshithu-vho, nndani ha musi ho vha hu tshiñwe tshithu tshi fanyisaho Mudzimu, o vha a tshi do vha a songo tshi vhidza “Murena.” Ngauralo, Yo vha i yeneyo Khavhu ya Mulilo nthihi.

³⁰ Vhunga Yesu o amba, “Ndi ya ha Mudzimu. Ndo bva ha Mudzimu, huno Ndi humela ha Mudzimu.”

³¹ O vha e heneffo, o vhuya nga tshivhumbeo tsha Khavhu ya Mulilo hafhu; A ri, “Ndi nne Yesu Ane wa mu tovhola; huno zwi a u konđela u raha mipfa.”

³² Huno ri a limuha uri musi Muapostola Petro, uyo we khii dza newa ene uri a fhaṭe Tshividzo, ri wanulusa uri o vha e dzhele, huno iyi Khavhu ya Mulilo yeneyi nthihi yo da nga kha matzimbi, ya vula mahothi a dzhele, huno ya bvisela Petro nnđa, nga ndila ya tshiphiri, hu si na na u dina mulindi. Kha nne, Ndi Yesu Kristo a sa shanduki mulovha, qamusi, na lini na lini.

³³ Huno zwenezwo tshifhinga tshoṭhe ni do ḋivha tshiñwe tshithu nga kudzulele kwatsho. Tshiñwe na tshiñwe tshi ḋivhea nga kudzulele kwatsho, mutshelo une tsha aṇwa. Huno ndi ni humbelu u sedza lushaka lwa mutshelo une Tsha aṇwa, itshi Tshedza tshine tsha vha Mudzimu, ngauri tshifhinga tshoṭhe Tshi humela kha Ipfi la Mudzimu, huno tsha sumbedza Ipfi la Mudzimu, tshi rera Ipfi la Mudzimu, huno Mudzimu u sumbedza ilo Ipfi nga maanda nga u ralo phanda haṇu. Hu tea u vha na tshiñwe tshithu murahu Haļo.

³⁴ Vhatu vho mmbidza muporofita. A thi ḋivhidzi muporofita, ngauri a thi nga lingedzi u amba hezwo, fhedzi ndo... U amba, ndi nga amba hezwi, zwauri Murena o ntendela u vhona zwithu zwi re phanda, u amba zwithu zwa zwa bvelela, zwi no do bvelela, zwi no khou bvelela, huno a hu na na tshifhinga na tshithihi, tshe zwa vhuya zwa kundelwa, kha zwifhinga zwa mahumi a zwigidi. Tshiñwe na tshiñwe tshe A ri tshi do bvelela, tsho bvelela. Izwo ri a zwi ḋivha roṭhe. Arali hu na muthu kha avha vhathetshelesi vha vhonwaho matsheloni ano, kana huñwe fhethu, ane a nga ri nga tshiñwe tshifhinga zwo kundelwa, no vhofholowa uri ni nga ima zwaṇu huno na amba nga u ralo. Fhedzi arali muñwe na muñwe a tshi ḋivha uri tshifhinga tshiñwe na tshiñwe, tsha zwifhinga zwa zwigidi, zwo vha zwone nga ndila yo fhelelaho, i ri ni, “amene.” [Tshividzo tshi ri, “Amene!”—Mudz.] Ni a vhona? Ngauralo izwo zwi do vha zwenezwo zwithihi u mona na shango.

³⁵ Tshiñwe tshithu tshi tsini na u bvelela. Mudzimu ha rumeli izwi zwithu hu si na ndivho na kathihi.

³⁶ Ndo vha ndi tshi khou tou elekanya hafha. Ndo i vhea hafha, iñwe ya notsi dzanga. Uri matsheloni ano ndo ambara, sethe ya dzikhafułingi... Huno vhunzhi haṇu no no pfa nga ha uyu makone wa filimu, Jane Russell, huno mme awe ndi Mupentekostała; huno Danny Henry ndi muzwala wawe, muzwala wawe wa u thoma, ñwana wa murathu wa mme awe. O vha e Mubaphuthisi. O vha o ima muṭanganoni, muṭangano wa Vhanna Vha Bindu ngei Los Angeles, California, miñwaha mivhili yo fhiraho.

³⁷ Huno ndo vha ndi kha di bva u fhedza u amba nga ha zwitatamennde zwi hulwane, zwa maanda, zwi kombetshedzaho;

zwine na mulangi, muñwe wa vhalangi vha nyangaredzi vha Khuvhangano dza Mudzimu, a tsela fhasi kha pulatifomo a tshi bva n̄tha zwidzuloni zwa n̄tha he a vha o dzula, huno a ri, "A thi tendi uri Mukomana Branham o vha a tshi khou amba hezwo."

³⁸ Nda ri, "Ndi tea u zwi amba, mune wanga. Ndi U RALO MURENA." Huno, zwenezwo, zwe vha zwi malugana na tshivhidzo kha tshino tshikhathi.

³⁹ Huno nga itsho tshifhinga, uyu muñhannga a re ramabindu...Mukomana wawe u nga hangei...o vha e henengei a tshi khou dzhia zwifanyiso a tshi itela thelevishini matsheloni ayo, muñwe mukomana wawe ndi—ndi mulavhelesi wa ndila ya muvhuso wa California. Huno Danny Henry a da phanda nga murahu ha musi mutangano wo no valwa, kha pulatifomo, nga ndila *heyi*, he vhanna vhothe vha vha vho dzula, a tsela fhasi u nkuvhatedza. Huno a amba haya maipfi, "Mukomana Branham, ndi a fhulufhela uri izwi a zwi pfali zwi tshi t̄ambuludza, fhedzi," ha pfi, "iyo yo vha i tshi nga itwa ndima ya 23 ya Nzumbululo." Zwine, hu na ndima dza fumbilimbili fhedzi kha Nzumbululo. A ri, "Ndi a fhulufhela uri izwi a zwi pfali zwi tshi t̄ambuludza." O vha a tshi kha di bvou zwi amba...Zwino, mutukana o vha e Mubaphuthisi, huno a sa divhi tshithu nga ha tsha n̄tha ha mupo. O nkuvhatedza, a thoma u amba nga luambo lusili.

⁴⁰ Huno musi o no fhedza u amba nga luambo lusili, ho vha hu na musadzi wa mu—muvhili, mutswu o dzulaho heneffo phanda hanga, a takuwa, a ri, "Izwo a zwi ḥodi inwe ḥalutshedzo-vho." A ri, "Nñe ndi bva ndi Shreveport, Louisiana; kana Baton Rouge, Louisiana." Ha pfi, "Ulwo lu pfala lu Tshifura."

⁴¹ Victor Le Doux, we a vha e Mufura, na ene o dzula heneffo n̄tha, a ri, "Zwa vhukuma, nñe ndi Mufura, huno ulwo lwo vha lu Tshifura tsho fhelelaho."

⁴² Nda ri, "Imani lwa tshifhinganyana. *Inwi* ñwalani zwe a amba, huno *inwi* ni ñwale zwe a amba, ni sa athu amba tshiñwe tshithu. Ñwalani zwine na amba, huno ri vhone notsi dzañu." Huno ngauralo muñwe a ñwala, na muñwe a ñwala, zwe vha zwi zwithihi na kha u longa zwiga.

⁴³ Huno zwenezwo nga itsho tshifhinga, musi vho no disa dzinotsi phanda, mutukana a vhonalaho e wavhuđi, muswa wa mavhudzi matshena a da a tshi khou tshimbila u bva murahu. He, ho vha hu si na lufhera lwo mu edanaho uri a dzule; o vha o ima ngei murahu. U da a tshi khou tshimbila, a ri, "Lwa tshifhinganyana fhedzi, ndi do takalela u vhea notsi, na nñe-vho." A ri, "Ndi dologi ya Mufura ya U.N., Mbumbano Ya Dzitshakha." A ri, "Ndi ḥodou sia notsi yanga."

⁴⁴ Huno, fhano, notsi tharu dzothe dzi fanaho kokotolo, dza Tshifura. Huno hafha i vhalea nga ndila *heyi*. Idzi ndi notsi

dza mathomo dzo dzhiwaho, notsi dzo dzhiwaho tshifhingani tshenetsho. Iyi ndi notsi ya Danny, ene muñe, ye a i hwala tshikwamani tshawe. A hu na zwiñwe, yo dzhena kha Vhanna Vha Bindu Vha Vhakriste, na vhañwe-vho.

*Ngauri iwe wo nanga ndila tsekene, ndila i kondaho;
iwe wo tshimbila kha u nanga hau iwe muñe.*

*Iwe wo nanga phetho yone nahone ya vhukuma,
huno ndi Ndila Yanga.*

*Nga nthani ha iyi phetho ya ndeme, tshipida
tshihulu tsha Tañulu tshi do u lindela.*

Wo ita phetho-de ya vhugala nandi!

*Iyi nga yone ine ndi iyo i no do nea nahone ya ita uri
gundo lihulusa li khunyelele kha lufuno lwo Khetheaho.*

⁴⁵ Zwino, munna o saina dzina lawe hafha. “Tshitatamennde tshi re nthia tsho talutshedzwa nga... tsha Danny Henry a tshi porofita nga ha Mukomana Branham, tsho ñewa nga thanzi tharu khefini ngei Los Angeles, California.”

⁴⁶ Zwino, onoyu muñhannga muthihi a no nea uvhu vhuporofita, a sa ñivhi zwe a vha a tshi khou amba, o vha e Yerusalem zwine zwa todou ita ñwedzi wo fhiraho. O vha e na pfanelo ya u ya nn̄da na—na u lala vhidani he Yesu a fa nahone a swiñwa. Huno ngauralo musi a tshi kha ñi vha o lala benefho, o ri ndo ñthalukanyoni yawe nga maandä vhukuma huno a thoma u tswimila. Ha pfi, “Nga ndila ye zwa kondela Mukomana Branham u lwa na shango na izwi zwithu, na zwivhidzo zweothe!”

⁴⁷ Vhunga zwe—zwo ambiwa luthihi zwa muñwe, wa tshipida tsha Billy Graham, ha pfi, “Ri kona u vhona Billy Graham, ngauri zwivhidzo zweothe zwe vhofhana u itela ene. Ri vhona Oral Roberts, Vhapentekostaña. Fhedzi ri vhuya ra vha na tshinwe tshithu-vho hani, musi Li tshi fhambana na zwe vhathu vha funzwa?” Ndi Mudzimu.

⁴⁸ Huno, Danny, zwine a ita sa kushumoshumo, u ita zwitombwana. O bvela nn̄da a ya he Tshifhambano tsha vha tsho vhewa phasi, he vha ri Tshifhambano tsho dzula tomboni. A hu na we a vha e tsini, ngauralo a pañula tshipida tshiñku tsha tombo huno a tshi panga tshikwamani tshawe sa tshihumbudzo, a ñayani huno a ita phere ya dzikhafulingi ngalo. Huno, tshi kanukisaho, musi o dzi ita, dzo vhonala dzi na madondo a malofha. Huno benefho nga kha vhukati ha inwe na inwe yadzo, nga u ya phanda hu si na tshanduko, hu tshimbila ñdila tswititi, tsekene benefho nga kha vhukati hadzo vhuvhili hadzo. Zwino idzo dzi nga di vha fhedzi... Ni a vhona, muñwe-vho a nga ñi si dzi dzhièle nzhele, fhedzi kha nñe dzi khoña zwithu zwine nda zwi tenda. Ndi tenda uri tshinwe na tshinwe tshi na zwine tsha amba.

⁴⁹ Huno zwino, nga tshino tshifhinga, tshiñwe na tshiñwe tshine Murena a vha natsho... Arali itshi i si tshithu tshe A tshi porofita, tsha Maleaxi 4 na hone ha Luka 17, na maiwe Mañwalo manzhi a no tea u bvelela kha ili ḫuvha la u fhedzisela, ndi nga amba izwi u valani, tsho vhea mutheo u itela uyo munna musi a tshi ḫo da. Ngauralo ndi a livhuwa nga maanda uri Mudzimu Ramaandothe, arali zwi tshi vha nga iyo ndila, o ntendela u ita tshiñwe tshithu tshituku, kha nyimele ya u sa funzea yanga, u sumbedza u takalela ḫanga lufuno Lwawe kha nñe, lufuno lwanga Khae, na lufuno lwashu kha vhathu.

⁵⁰ Ngauralo-ha, nga vhufulufhedzei, ndi thoma iyi thoho ya *Mbingano Na Thalano*. Mudzimu nga a vhe na khathutshelo kha riñe roþe.

⁵¹ Huno zwino thetselesani zwavhuði. Huno, dzikhaladzi, ni songo takuwa na bva; dzulani ni tokomelwe lwa tshifhinganyana fhedzi. Vhakomana, itani zwenezwo zwithihi. Ni songo dzima sethe dzañu ngeyo nn̄da, dzi no khou ḫa kha uvhu vhuþumani. Ni songo ita hezwo. Itonu dzula ni tokomelwe lwa miniti i si gathi, u swika zwo no fhela. Thetselesani zwavhuði. Arali ni sa tendelani nazwo, nwalani Mañwalo ane nda a shumisa, huno zwenezwo ni a gude ni tshi ita ni tshi rabela ni sa athu dzhia tsheo yañu.

Mudzimu, ri thusē ri tshi lingeda u thoma iyi thoho.

⁵² Zwino, i nga ði lapfa zwiþuku. A thi ḫodi ni tshi dzhaha. Huno itonu ðigeda, riñe roþe, huno ri gude Ipfi la Mudzimu, ngangoho na nga hoþe, sa zwine ra ðivha uri ri Li guda hani.

⁵³ Kha ri thome nga Mateo Mukhethwa, ndima ya 19. Huno ri thome, ndi a elekanya, nga ndimana ya 8 ya ndima ya 19, ndi tama u thoma. Ndi nga ði thoma na nga ya 1, huno nda vhala u tsa phasi u swika kha ndimana ya 8 ya ndima ya 19.

⁵⁴ Zwino, elelwani, izwi zwithu zwine nda amba zwi fanela u bva kha Ipfi la Mudzimu. Hu nga si vhe muhumbulo wanga nñe mune, ngauri muhumbulo wanga u tou fana na wa nnyi na nnyi-vho. Fhedzi zwi tea u vha na u ya phanda na Ipfi la Mudzimu hu si na tshanduko. Elelwani, Mudzimu u dzula o vhea tshiñwe na tshiñwe kha u ya phanda hu si na tshanduko. Ha shanduki na kathihi. Ndi a sa shanduki mulovha, namusi, na lini na lini. Izwo ni a zwi tenda? [Tshivhidzo tshi ri, "Amene."—Mudz.] Ndi a sa shanduki.

⁵⁵ Zwino ndi ḫo vhala u bva kha ndima ya 19.

Huno zwo ḫa zwa khunyeleta, zwauri musi Yesu o no fhedza aya maambiwa, a tuwa Galilea, huno a ḫa khunzikhunzini dza Yuda seli ha Yorodane;

Huno vhathu vhanzhi-vhanzhi vha mu tevhela; huno a vha fhodza...

Vhafarisei na vhone vha ḫa khae, vha tshi khou mu linga, ...

⁵⁶ Ndi a awela heneffo u itela uri ni kone u wana khwathisedzo kha avho vhe vha vha vhe vhe vha vha tshi khou Mu linga.

. . . vha tshi ri khae, Naa zwi a tendelwa nga mulayo munna a tshi ḥala mufumakadzi wawe nga tshivhangi tshinwe na tshinwe?

Huno a fhindula huno a ri khavho, Naa a no ngo vhala, zwauri we a vha ita ngei mathomoni o vha ita vhe munna na musadzi,

Huno a ri, Ngauri ndi zwone zwine munna a do tutshela khotsi...mme, huno a kwambatela mufumakadzi wawe: huno vhuvhili havho vha do vha nama nthihi?

Ngauralo-ha a vha tsha vha vhavhili, fhedzi vha nama nthihi. Zwe Mudzimu a zwi vhofhekanya, hu songo vha na muthu a no zwi fhandekanya.

Vha ri khae, Ndi ngani Mushe o laya u nea linwalo ḥa thalano, huno . . . ḥa u mu ḥala?

Huno A ri khavho, Mushe nga nwambo wa u konda ha mbilu dzanu o ni tendela u ḥala vhabumakadzi vhaṇu: fhedzi u bva mathomoni zwo vha zwi songo ralo.

Zwino, Mudzimu, ri thuse.

⁵⁷ Ulu Luṇwalo, iyi mbudziso, yo livhana na Yesu henengei mathomoni a mushumo Wawe. Huno yo livhana na Mushe henengei mathomoni a mushumo wawe. Ndi mbudziso ya u tou thoma mbilini dza vhatendi. Muitazwivhi ha londi. Fhedzi i ya kha vhatendi, ngauri mutendi u khou lingedza u ita zwe the zwine a divha uri zwi itwa hani u tshila zwavhuḍi phanda ha Mudzimu. Ngauralo-ha yone, mbudziso iñwe na iñwe-vho i no da kha vhurereli, zwenezwo fhungo ḥa Mbingano Na Thalano li a da, (mulandu?) ngauri ndi tshivhangi tsha tshivhi tsha mathomo. Afho ndi he tshivhi tsha thoma. Huno ndi ngazwo tshi diswa tshifhinga tshothe, ngauri ndi one mathomo a tshivhi.

⁵⁸ Zwino a thi nga vhi na tshifhinga tsha u ḥalutshedza zwithu izwi zwe the, fhedzi ndi do takalela u fhindula luṇwalo lwaṇu kana tshinwe tshithu-vho tshire nda kona. Kana, ri na bugu dzo nwawalo nga haļo, na mbudziso nnzhi, nahone na zwithumulwa zwi bvaho kha dzigurannḍa na zwithu fhano, u sumbedza heļi, ri a divha zwauri ho vha hu Efa (Apula le a vha a tshi tea u li ḥa, hune li sa vhuye ḥa vha ḥa Luṇwalo, zwino vha fhima uri ho vha hu apulakoswo; ho vha hu si tshinwe tshazwo.), o ita vhupombwe, he ha bveledza nwana wa u thoma, we a vha e Kaini, murwa wa Saṭhane ene mune, ngauri khae ho vha hu na vhuvhi. A ho ngo da nga Abele. Murwa wa Saṭhane o vha e Kaini.

⁵⁹ Ndi divha mbudziso yanu zwino, “Efa o ri, ‘Ndo wana munna a bvaho ha Murena.’” Izwo ndi zwone kokotolo.

⁶⁰ Ni nga dzhia musadzi o vhifhesaho doroboni, munna o vhifhesaho; arali vho vha na riwana, o vha a tshi do tea u bva ha Murena, ngauri Mudzimu u na milayo yo vhewaho. Huno milayo iyi, vhunga duvha uri li tavhe; ni vhea tshene tsimuni yavhudzi, i do aluwa. Huno i tea u aluwa, ngauri ndi mulayo wa Mudzimu. Musi mbeu i tshi zwaliwa, i fanelu u aluwa. Huno a hu na tshire tshi nga alusa vhutshilo nga nnda ha Mudzimu, ngauri vhu shuma phasi ha milayo Yawe. Ngauralo-ha musi mbeu mmbi yo zwaliwa mbumbeloni ya—ya Efa, yo do tea u bveledza, ngauri ndi mulayo wa Mudzimu wa vhubveledzi. Huno a hu na tshiñwe tshithu-vho tshe wa vha u tshi nga ita tshone nga nnda ha u vhu disa, huno ho do tea u da vhu tshi bva ha Mudzimu.

⁶¹ Izwo ndi ngazwo vhatu vha tshi ri, “Vhushie vhutuku,” tshiñwe tshifhinga, “vhu songo bebwaho nga vhabebi vha Vhakriste, ho xela.”

⁶² Malofha a Yesu Kristo a pfumelela riwana, a thi londi uri o bebwa lungana na uri o bebwa luvhi hani. Ndi ene Ngwana ya Mudzimu i no tusa tshivhi tsha shango. Nwana mułuku a nga si kone u rembuluwa, ngauri a hu na tshire a nga rembulutshela tshone, huno itsho tsho vha tshi tshivhi tsha shango tshe tsha tuswa nga Malofha a Kristo. Vhushie vhu ya Tađulu.

⁶³ Ndi tshivhi tsha mathomo, huno izwo ndi ngazwo tshi tshi—tshi tshi vhudzisewa. Musi tshiñwe tshiitea-vho tshihulwane tshi tshi bva ha Mudzimu, nga ha tshithu tsha u thoma: “Mini-ha nga ha mbingano na thalano?” Zwino, vhunga tshifhinga tshothe, yone i kha di vha mbudziso vhukati ha vhatu. Sa zwe zwa vha zwi zwone zwifhingani zwa Yesu, sa zwe zwa vha zwi zwone zwifhingani zwa Mushe, zwo ralo tshifhinga tshothe, nahone zwi kha di vha zwenezwo u swika duvhani lino, mbudziso vhukati ha vhatu, ngauri vhatu vha todou divha zwine zwa vha Ngoho.

⁶⁴ Fhedzi hune ha vha na mbudziso, hu fanelu u vha na phindulo. Huno zwino u vha phindulo, vhunga ndo no amba phanda ha, ino vhege, hu fanelu u vha na phindulo i re yone. Huno arali ri tshi wana phindulo ya tshiñwe tshithu, huno tshi—tshi si tshone, zwenezwo ri divha zwauri tsho vha tsho khakhea. Fhedzi i hone, ni do di vhudzisa u swika mbudziso ya ngoho i tshi fhindulwa, arali ni tshi todou divha Ngoho. Huno iyi i mbudziso ya Bivhili, i tea u vha phindulo ya Bivhili.

⁶⁵ Zwi nga zwe nda amba, arali ndo vha ndi tshi toda u ya vhubvađuvha matsheloni ano; huno zwa khwinesa zwine nda divha hezwi, ndo do tea u wana tshiñwe tshithu-vho tsimuni, huno yo vha i vhubvađuvha, huno nda ya vhubvađuvha. Muñwe a ri, “Mukomana Branham, uvhu ndi vhubvađuvha.” Ndi vhubvađuvha, nga khonadzeo, fhedzi ndi devhula-vhubvađuvha. Ndo vha ndi tshi do fhira tshenetsho tshithu tshe nda vha ndi tshi tshi toda; ndo vha ndi tshi do vhubya, ndi tshi divha uri tsho khakhea. Huno zwenezwo arali

muńwe a ri, "Mukomana Branham, iyani thungo *holu*, kha tsha u la tshańu." Zwino, uvho nga khonadzeo ndi vhubvađuvha, na hone, fhedzi ndi tshipembe-vhubvađuvha. Ndo vha ndi tshi do xedza tshithu tshe nda vha ndi tshi khou tshi ḥoda, nge nda fhira mikano ya ndila yo teaho nahone yo livhaho.

⁶⁶ Zwino, arali izwo zwe ralo, ri na zwikolo zwivhili zwa muhumbulo kha *Mbingano Na Thalano*. Huno izwo ndi, tshińwe tshazwo tshi amba, zwauri, "Munna a nga mala fhedzi luthihi, nndani ha musi mufumakadzi wawe o fa." Huno iyo ndi inwe ya dzimbudziso, fhedzi, ni tshi ya na tevhela heyo, ni ya kulesa. Huno zwenezwo i tevhelaho i ri, "Oo, arali mufumakadzi kana munna, muńwe wavho, o ita vhupombwe, muńwe wavho a nga ḥaliwa huno a malwa hafhu." Inwi ni diwana ni kulesa nga heyo.

⁶⁷ Ngauralo, ni a vhona, a si tshipembe-vhubvađuvha kana devhula-vhubvađuvha; ri ḥoda henengei vhubvađuvha. Ni do fhelelwa nga Luńwalo musi ni tshi ya thungo *holu*, ni fhelelwa nga Luńwalo musi ni tshi ya thungo *holu*. Ri ḥodou divha hune Luńwalo lwa ḥangana na Luńwalo, huno ra divha Ngoho yayo. Inwe na inwe i dzhia ndila yo fhambanaho, huno ya kundelwa u disa phindulo i re yone, fhedzi hu kha di fanela u vha na phindulo.

⁶⁸ Zwi tou fana na, namusi, hu na zwikolo zwihulwane zwivhili zwa pfunzo tshivhidzoni; tshińwe tshazwo ndi sisteme ya Calvin, tshińwe ndi Armin-... sisteme ya Arminia. Tshińwe tshazwo ndi tsha mulayo, tshińwe ndi tshilidzi. Huno ri da u wanulusa uri vhatu vha no tenda kha tshilidzi, vhatetheli vha Calvin, vha ri, "Rendani Mudzimu, a hu mmbaisi u daha. A hu mmbaisi u nwa. Ndi nga ita hezwi zwithu, ndi na tsireledzo ya U Ya Nga Hu Sa Pheli." Zwenezwo ri wana lińwe sia, kha wa mulayo, lo ri, "Oo, ndi ḥodou mu sema, ndi ḥodou mu sumbedza tshipida tsha thalukanyo yanga, fhedzi, ndi Mukriste, ndi tea u tokomelwa." Ni a vhona, ni diwana ni kha ndila mbili dzo fhambanaho, huno a hu na na nthihi yadzo i re yone. Zwino, zwi a konda u amba hezwo, fhedzi ndi ngoho.

⁶⁹ Riñe vhańe ri diwana ri kha ndila mbili dzo fhambanaho; inwe i tshi ya thungo nthihi, inwe thungo inwe. Zwino kha ri vhone zwine Ngoho ya vha zwone.

⁷⁰ Zwino thetshellesani, huno ni vhone arali izwi zwi tshi pfala zwi na thalukanyo kha inwi. Sa tsumbo, arali nda dilugisela u ya seli ha lwanzhe. Huno ndi do dzhia muća wanga nne muće. Ndi do vhidza mufumakadzi wanga uri a de kha nne, huno ndi do ri, "Ri kho-... ndi khou ya seli ha lwanzhe, mufunwa." Zwino ngeli sia la wa mulayo, "Zwino, mufumakadzi wanga, ndi khou yo ni vhetshela mulayo! Arali na galatshana na muńwe munna-who musi ndo ḥuwa, musi ndi tshi vhuya ni musadzi o ḥaliwaho. Huno a thi ḥodi ni tshi sedza-sedzana nga maćo, thi ḥodi ni tshi galatsha! Ni a zwi pfectesa izwo? Ndi munna wańu! Arali na zwi ita, ndi khou yo ni ḥala musi ndi tshi vhuya."

⁷¹ Zwenezwo u a hovhelela huno a nngwana nga thai, huno a ri, “Munna muvhuya wanga, ndi todou ni vhudza tshiñwe tshithu, ni a vhona, ni a vhona, uri aralí na sedza-sedza muñwe musadzi-vho nga maço, kana na bvisa muñwe musadzi-vho, kana na galatshana na muñwe musadzi-vho, ni khou yo vha munna o ḥaliwaho musi ni tshi vhuya.” Zwino, naa uyo u nga si vhe muña wo takalaho? Avho ndi vha mulayo. Zwo luga.

⁷² Zwino, liñwe sia ndi, la uri arali nda ya seli ha lwanzhe huno nda ita khakho... Nda ya nga hangei huno nda ri, “Zwino, sedzani, ndi do bvisa *uyu* musadzi. Oo, zwothe zwe luga kha mufumakadzi wanga, ha londi.” Mufumakadzi u ri, “Ndi do bva na *uyu* munna. Zwothe zwe luga kha Bill, ha londi.” Arali ndi sa londi, zwenezwo hu na tsho khakheaho kha nñe; a thi funi uyo musadzi zwavhudí. Huno arali a sa londi, hu na tsho khakheaho khae. Ndi ene mufumakadzi wanga; a thi ḥodi muñwe munna a tshi tambela khae. Ndi ene mufumakadzi *wāṅga*.

⁷³ Zwino, ndila i re yone yazwo, ndi, vhuvhili havho vhothe vha na ngoho, fhedzi hu si Ngoho kokotolo.

⁷⁴ Zwino musi ndi tshi ya seli ha lwanzhe, u zwi lugisa, muña wanga muñuku u a kuvhangana, huno ra rabela rothe. Huno ndi vha kumedzela kha Mudzimu, huno vha nkumedzela kha Mudzimu. Huno musi ri tshi ita, ri ya seli ha lwanzhe, ndi ya seli ha lwanzhe. Zwino, ndi a divhya uri u a mpfuna; ndi na vhufulufhelo khae. Nahone ndi a mu funa; u na vhufulufhelo kha nne. Musi ndi tshi khou di mu funa nga u ralo, ha na iñwe mbilaelo-vho nga ha nñe ndi tshi bva na muñwe musadzi-vho. Musi a tshi khou di mpfuna nga ndila yone, mulandu, a hu na ḥodea ya uri nñe ndi elekanye nga ha muñwe munna-vho a tshi bva nae, ngauri ndi ene mufumakadzi wanga huno ndi a mu tenda.

⁷⁵ Ndi a tenda, arali zwa vhukuma ndo vha ndi tshi do ita tshiñwe tshithu tsho khakheaho, nda ita khakho huno nda bva na muñwe musadzi, huno nda vhuya nahone nda mu bulela zwone, nahone nda mu vhudza, “Meda, ndo vha ndi songo diimisela u ita hezwo. Ndo sokou wela mureoni; musadzi uyu o tou nngidimela huno—huno a nnzhuvhula nga tshanda, huno a thoma *tshikenerene*,” ndi tenda uri o vha a tshi do pfesesa. Ndi tenda uri o vha a tshi do nkhangwela zwone. Fhedzi ndo vha ndi si nga zwi iti, lwa fhedzi, ngauri ndi a mu funa. Naho o vha a tshi do nkhangwela, ndo vha ndi si nga zwi iti. Ndo vha ndi si nga mu vhaisi, lwa fhedzi. Naho ndi tshi divhya uri o vha a tshi do nkhangwela zwone, a thi ḥodi u mu vhaisa.

⁷⁶ Huno iyo ndi ndila ine Mudzimu a vha ngayo. Arali nda... arali lufuno lwa *phileo*, lune lwa vha lufuno lwa muthu, lufuno lwa vhuñama, lu tshi nga ita munna uri a pfe izwo nga ha mufumakadzi wawe; mini-ha nga ha lufuno lwa *agapao*, ipfi la Tshigerika li no amba “lufuno lwa Mudzimu,” naa ulwo lwo vha lu tshi do nnyita hani nga ha Yesu Kristo? Nñe, musi ndi

tshi khou di ṭoda u ya nda zwi ita, zwi mbiluni yanga u zwi ita! Arali...ndi ri, musi zwi tshi khou di vha mbiluni yanga u zwi ita, ndi ya nda zwi ita. U tevhedza mulayo hu nga si ntendele u zwi ita, ndi ngauri ndo divha uri ndi do phanishiwa nga ñwambo wa u zwi ita. Fhedzi Ngoho ya vhukuma yazwo ndi, ndi musi lufuno lwa Mudzimu lu tshi dzhena mbiluni yanu u swika ni tshi ṭoda u Zwi ita. Iyo ndi Ngoho yazwo. Ngezwo zwikolo zwivhili. Hu si u tevhedza mulayo kana tshiñwe, kana sisteme ya Calvin, ndi zweathe.

⁷⁷ Zwino ri a wanulusa ñamusi, hafhu, hu na dinomineisheni nnzhi dzo fhambanaho. Ngetsho tshivhidzo tsha Katolika, tshivhidzo tsha Porotestanti. Tshiñwe na tshiñwe tshazwo tshi ri vhone vha Ndila, ni a vhona, "Ri na Ndila, ri Ngoho." Ngoyo Mumethodisi, u ri, "Ri na Ngoho." Mubaphuthisi u ri, "Ri na Ngoho."

⁷⁸ Zwe luga, kha nne, musi vha tshi khou di dipfa nga iyo ndila, a zwe ngo ralo, ngauri Yesu o ri, "Ndi nne Ngoho." Ni a vhona?

⁷⁹ Ngauralo-ha, sa zwe theroyang madekwe ya vha i zwone, uri Ndi ene fhethu he Mudzimu a vhea Dzina Ławé, fhethu hu hothe ha u luvha. Inwi a ni Mukriste ngauri ni Muporotestanti. A ni Mukriste ngauri ni Mukatolika. A ni Mukriste ngauri ni Mumethodisi, Baphuthisi, kana Mupentekostała. Inwi ni Mukriste nge na lovchedzelwa kha Yesu Kristo, nga Muya Mukhethwa, hu si nga madi. "Hu na Lutendo luthihi; Murena muthihi; ndovhedzo nthihi," iyo ndi ndovhedzo ya Muya Mukhethwa. Ndovhedzo ya madini i ni dzhenisa kha vhułama. Ndovhedzo ya Muya Mukhethwa i ni dzhenisa kha Kristo. Ngeyo Ngoho.

⁸⁰ Hafhu ri na mihumbulo mivhili ya iyi *Mbingano Na Thalano*. Zwino, ngauri, Murena washu o vula tshiphiri tsha Pfundo-la-Vhusumbe la Ipfi Ławé kha riñe, mađuvhani aya a u fhedzisela. Zwino, vhusumbe hanu, izwi zwi nga di vha Tshigerika kha vhoinwi, fhedzi tshivhidzo tshanga tshi a pfectesa. Nga mini? Huno no no pfa nga ha mabono na zwe zwa itea. Huno mbudziso ndi mbudziso ya Bivhili, ri khou rambiwa hafha u tenda uri hu fanela u vha na phindulo ya ngoho kha tshiphiri tshothe tsho dzumbiwaho tshee shango la tewa. Huno Bivhili i a porofita nahone ya ri kha lino duvha izwi zwiphiri zwi do divhadzwa. Dzinzungbululo 10, "Huno murunwa wa vhusumbe a tshi do huwelela, mudinda wa Laodikea, zwiphiri zwa Mudzimu zwi do divhadzwa." Huno itshi ndi tshikhathi tsha u fhedzisela, tshire tsha vha Laodikea.

⁸¹ Sedzani iyi mvuseledzo yothe yo bvelaho phanda lwa minwaha ya fumiñhanu kana yo engedzeaho, huno a hu na na dinomineisheni na nthihi yo bvaho khayo. Luther o vha na mvuseledzo, ha tevhela dinomineisheni; Wesley, ha tevhela dinomineisheni; Alexander Campbell, ha tevhela dinomineisheni; idzi dziñwe khulwane dzothe...John Smith

na vhañwe-vho, dzidinomineisheni, Moody, tshifhinga tshoñhe. Fhedzi hafha ho vha na nthihi... Kanzhi mvuseledzo i fhedza fhedzi miñwaha i no ñodou swika miraru. Fhedzi iyi yo bvela phanda lwa miñwaha i no fhira fumiñhanu, huno a hu na na dinomineisheni na nthihi yo vhaho hone ngayo, ngauri itshi ndi tshifhinga tsha Mbeu. A hu tshe na ganda; nga murahu ha musi ganda ñithihi lo no ñuwa, ndi Mbeu.

⁸² Mudzimu o dilugisa, arali A sa khou zwi ita zwino, U khou yo vhidza Tshivhidzo uri tshi khunyelele nga Ipfi Lawe, Yesu Kristo. Dzhielani nzhele, hu fanela u vha na phindulo huñwe fhethu, huno hu Iyo, tshiphiri tsha mapfundo a sumbe tsha Mudzimu, Mapfundo A Sumbe.

⁸³ Ndi vhangana vhane izwo vha zwi pfesesa, imisani tshanda tshañu. Kha ri vhone. Ndi elekanya uri vhunzhi havho ndi tshivhidzo tshashu tshi bvaho u mona hoñhe, thetshelesani. Arali zwi songo ralo, bugu dzi do bva hu si kale, nga ha ñoho. Ri na dzibugu, dziñwe bugu nga Hayo zwino.

⁸⁴ Yesu, kha liñwalwa ñashu, u a ri ramba uri ri ye mathomoni, u itela phindulo ya ngoho ya Luñwalo.

⁸⁵ Zwino, musi O vha o livhana na hezwi, ho vha na zwithu zwivhili zwi vhonala. Vhotshifhe vho ri Khae, “Naa munna a nga ñala musadzi wawe, a mala muñwe, nga tshivhangi tshiñwe na tshiñwe-vho?”

Huno Yesu a ri, “Zwo vha zwi songo ralo u bva mathomoni.”

Zwenezwo vha ri, “Mushe o ri tendela u ñea liñwalo ñthalano, na u mu ñala nga ñwambo wa tshiñwe na tshiñwe tshe vha ñoda.”

⁸⁶ A ri, “Izwo, Mushe o ita izwo ngauri,” ndi khou litsha izwo lwa tshifhinganyana, “nga ñwambo wa u konda ha mbilu dzañu; fhedzi u bva, kana ngei mathomoni zwo vha zwi songo ralo.” Mbudziso!

⁸⁷ Mbudziso namusi, vhunga ya mulalo wa shango, “Naa u da nga politiki, mbumbano ya dzitshakha, dzo vhumbana?” Ndi ri kha inwi, hai. Tshifhinga tshoñhe yo kundelwa, huno i do dovha ya ralo. Fhedzi hu sala hu na phindulo ya ngoho ya mbudziso, “Naa hu do vha na mulalo kha ñifhasi?” Ee, musi tshivhi tsho no ñuwisa kha ñifhasi, hu do vha na mulalo. Fhedzi u swika nga itsho tshifhinga, hu nga si vhe na mulalo; “lushaka lu do vutshela lushaka, na muvhuso u do lwa na muvhuso.” Mudzimu o ñea mushonga wa tshivhi. Thetshelesani zwavhuñi zwino. Mudzimu o ñea mushonga wa u ñuwisa tshivhi kha ñifhasi, fhedzi muthu wa ñifhasi a nga si ñanganedze mushonga wa Mudzimu.

⁸⁸ Mudzimu o ri ñea mushonga na ndila ya u mala vhafumakadzi vhashu huno ra tshila navho, fhedzi muthu a nga si ñanganedze mushonga wa Mudzimu, a nga si ñanganedze

Ipfi Lawe nga hawo. Yesu o amba hezwi. Huno izwi zwi ri humbudza Maipfi a—Awe, ri tshi ḋivha uri O ri, “Maṭaḍulu na liphasi zwi ḍo kundelwa, lovha, fhedzi Łanga a li nga ḍo ralo.”

⁸⁹ Mbudziso, phindulo ya ngoho ine Yesu a ṭoda ri tshi humela khayo, ndi u humela mathomoni. Zwenezwo, iyo i do vha kha Genesi, ngauri ipfi *Genesi* ndi ndima ya mbeu ya mbudziso iñwe na iñwe i re Bivhilini. Huno inwi tshifhinga tshoṭhe ni tea u humela kha mbeu u vhona uri ndi mbeu ya lushaka-de i re tsimuni, u wanulusa uri zwiliñwa zwanu zwi do vha mini. Zwino, hu zwalwa mbeu ya lushaka-de? Genesi, i ndima ya mbeu, ri ḍo humela kha Genesi. Yesu u ri ḋivhadza kha ulwo Luñwalo, “ngei mathomoni.” Zwino, elelwani, afho ndi musi tshifhinga tsho no thoma u thoma. Phanḍa ha hetsho, ho vha hu Vhutshilo-tshoṭhe. Zwino, mbudziso yashu hangei yo vha i, dzhielani nzhele, arali ri tshi humela mathomoni.

⁹⁰ Zwino ni songo kundelwa hezwi! Huno izwo ndi ngazwo ndi tshi ṭoda u amba nga u ongolowa, u itela vhathe vha re nnđa kha thale, na uri theiphi i ḍo zwi amba zwavhudī.

⁹¹ Arali Yesu o ri, “Humelani mathomoni,” ho vha hu na phere nthihi fhedzi ya tshiñwe na tshiñwe kha liphasi. Ho vha hu na Adamu muthihi, Efa muthihi, vho vha vho vhofhekanywa nga Mudzimu fhedzi. Bere nthihi ya tsadzi, tshiduna tshithihi; khwamba nthihi ya tshisadzi, tshiduna tshithihi. “Ngei mathomoni,” vhunga O ri vhudza uri ri humele murahu, ho vha hu na phere nthihi fhedzi ya tshiñwe na tshiñwe. Naa izwo ndi ngoho? [Tshivhidzo tshi ri, “Amene.”—Mudz.] Zwenezwo, zwino ri wana uri tshiñwe na tshiñwe “mathomoni” tsho vha tshi tshi khou shuma tshi kha nzudzanyo yo fhelelaho na pfano na Mudzimu, a hu na tshe tsha vha tshi siho ngonani.

⁹² Tshiñwe na tshiñwe ṭaḍulu tshi kha ḋi vha kha nzudzanyo; ḡaledzi dzoṭhe, sisteme dza ḡaledzi, sisteme ya duvha, tshiñwe na tshiñwe tshi kha nzudzanyo nga ndila yo fhelelaho. Iñwe yadzo ya sudzuluwa, i ḍo thithisa mbekanyamushumo yothe.

⁹³ Zwino thetšelesani. Naa ni a vhona? U thithisa huthihi hu tshinya mbekanyamushumo yothe! Zwino, musi vhathe vho vha vha tshi khou isa phanda na Mudzimu hu si na tshanduko, nga munna muthihi na musadzi muthihi, uyu musadzi o tshinya huno zwa posela mbekanyamushumo yothe ya liphasi nnđa ha u ya phanda na Mudzimu. Ngauralo-ha, ipfi lithihi ḋo engedzwaho kha iyi Bugu, kana Ipfi lithihi ḋo ḃuswaho Khayo; zwi posela Mukriste nnđa ha u bvela phanda na Mudzimu hu si na tshanduko, zwi posela tshivhidzo nnđa ha u bvela phanda na Mudzimu hu si na tshanduko, zwi posela muṭa nnđa ha u bvela phanda na Mudzimu hu si na tshanduko. Mutendi muñwe na muñwe a nga poselwa nnđa, nga u sa ḡanganedza Ipfi ḋiñwe na ḋiñwe ḥa Mudzimu.

⁹⁴ Zwenezwo, ndi musadzi we a vhanga u fhambana ha muṭa wavhudī. Ho vha hu si Mukherube we a dina liphasi.

Ho vha hu si Adamu we a posela haya nn̄da. Ho vha hu si tshiñwe tshithu-vho tshe tsha posela haya nn̄da, huno tsha posela tshithu tshothe nn̄da ha u bvela phanda hu si na tshanduko, nga nn̄da ha musadzi, Efa. Huno ndi hafha he “mathomoni,” e Yesu a amba nga hao, ha vundea. Yesu o ri, “Ngei mathomoni, Mudzimu o ita tshiduna tshithihi, tthisadzi tshithihi, tsha lushaka luniwe na luñwe.” Huno zwino musi uyu musadzi...hu si bere ya tsadzi, kana mmbwa ya tsadzi; fhedzi musadzi, o vunda u bvela phanda hu si na tshanduko ha mushumo wa Mudzimu hothe kha lifhasi, huno a posela tshiñwe na tshiñwe lufuni. Musadzi, hu si munna, o vunda mulanga. O vunda mulanga, ngauri (mulandu?) o pfuka mikano ya Ipfi la Mudzimu. Zwino, arali o vunda mulanga wawe na munna wawe, o vunda mulanga wawe na Mudzimu; zwenezwo, ngauri o vunda mulanga na Mudzimu, o u vunda na munna wawe.

⁹⁵ Huno musi ni tshi vunda pfulufhedziso yanu na mulanga wanu kha Ipfi la Mudzimu, izwo ndi zwe zwa vhanga mirado ya tshivhidzo minzhi nga maanda i si ya vhukuma, ngauri tshigwada tsha vhathu tsho kuvhangana huno tsha ri, “Ndi zwone, A lo ngo amba *hezwo*,” huno zwi posela dzangano lothe nn̄da ha u bvela phanda hu si na tshanduko na Ipfi. “A ri li tendi Heļo. Dokotela Jones o amba zwauri Lo vha li songo ralo.” Fhedzi musi Mudzimu o di amba uri Lo ralo, O ri, “ipfi la muthu muñwe na muñwe nga li vhe mazwifhi, huno Langa li vhe Ngoho!” Henefho zwi vunda u bvela phanda hu si na tshanduko.

⁹⁶ Zwino ri a vhona, musi u bvela phanda hu si na tshanduko ho vundea, zwenezwo laini ya Vhutshilo yo vundea, na laini ya tshifhinga yo vundea, mulanga wo vundea, tshiñwe na tshiñwe tsha tshinyadze! Naa ndi tshini tsho zwi vhangaho? Musadzi. Itsho ndi tshone tsho vundaho mulanga. Zwino, arali izwo ni tshi ḥodou zwi vhala, ni nga zwi vhala, Genesi 3.

⁹⁷ Zwino, munna o mbo itwa uri a vhuse musadzi, nga Ipfi la Mudzimu. O vha a si tsha edana nae. O vha a tshi edana kha mupo, ni a divha; fhedzi, musi o vunda Ipfi la Mudzimu, Mudzimu o ita munna uri a vhe muvhusi wawe. Genesi 3:16, arali ni tshi ḥodou i ñwala. O vha a si tsha edana na munna. O vha e muvundi wa Ipfi la Mudzimu.

⁹⁸ Naa a ni vhoni, “wa musadzi,” wa musadzi, tshivhidzo hafha fhasi? Muvundi wa Ipfi la Mudzimu, izwo zwo mu posela tshothe nn̄da ha u isa phanda hu si na tshanduko. Huno izwo ndi zwe tshivhidzo tsha ita, huno tsha posela lufu lwa maya kha tshithu tshothe. Zwino ni do pfectesa uri ndi ngani ndi tshi ombedzela izwi zwithu vhunga ndi tshi ita. Ndi Ngoho! Idzi ndi mbuno dla Bivhili.

⁹⁹ Dzhielani nzhele, ndi ngani o ita tshithu tshi no nga hetshi; naa uyo musadzi wavhudzi, o nakaho, o fhelelaho o kona hani?

¹⁰⁰ Ndo vhona tshifanyiso nga tshiñwe tshifhinga, ndi tenda uri ho vha hu ngei Greece, tsha muoli we a pennda tshifanyiso tsha Efa. O vha e tshithu tshi vhonalaho tshi tshi ofhisesa tshe na vhuya na tshi vhona. Izwo zwi sumba zwine muhumbulo wa ñama u nga sedza. Fhedzi, o vha a songo ralo; o vha o naka, ngauri o vha e musadzi o fhelelaho, musadzi woþhe.

¹⁰¹ Dzhielani nzhele, ndi ngani o ita tshithu tsho raloho, e kha iyo nzudzanyo ya ñha? O vha e henefho na munna, a tshi edana nae. Fhedzi roþhe ri a ðivha uri o xedza hani u edana hawe na munna, musi o tshinya, huno Mudzimu a ri, “Munna u ðo vha muvhusi wau u bva hafha.” Zwino, ulwo ndi Luñwalo. Arali ni tshi funa, ri nga lu vhala.

¹⁰² Ndi khou ni ñea Mañwalo, u vhulunga tshifhinga u itela uvhu vhüumanı vhuhulu kha shango loþhe, uri ni kone u zwi vhala inwi muñe.

¹⁰³ Dzhielani nzhele tsho itisaho uri a ite hezwo. Naa Sañhane o kona hani u vhuya a swika khae?

¹⁰⁴ Naa no ðivha uri Sañhane o vha a tshi edana na Mudzimu ñiñwe ðuvha? Ngoho o vha o ralo, zweþhe nga nn̄da ha musiki; o vha e tshiñwe na tshiñwe, o ima kha tshanda tsha u la tsha Mudzimu, ngei Mat̄aðulu, Mukherube muhulwane o rangaho phanda.

¹⁰⁵ Dzhielani nzhele tsho itisaho uri a ite hezwi, o vha a si kha tsiko ya mathomo. Haho kha tsiko ya mathomo ya Mudzimu; ndi ene tshiþungulwa. Ngauralo-ha, “ngei mathomoni,” vhunga Yesu o amba nga hazwo, o vha a si tshivhumbwa tsho sikiwaho tsha mathomo tsha Mudzimu. Ndi ene tshiþungulwa tsha munna, musi Yesu a tshi amba nga ha “mathomoni.”

¹⁰⁶ Elelwani, Adamu o vha e wa tshinnani na tshisadzini zweþhe vhuvhili hazwo, kha tsiko ya mathomo, muthihi, fhedzi a mbo khethekanywa nga luvhabvu.

¹⁰⁷ Dzhielani nzhele, fhedzi tshiþungulwa, nahone, dzhielani nzhele, muthihi fhedzi wa tsiko yoþhe ya Mudzimu, wa phukha inwe na inwe na tshiñwe na tshiñwe-vho, o vha e ene fhedzi o vhumbiwaho nga iyi ndila. Tshiñwe na tshiñwe tsha tshisadzini tsho vha tshi kha tsiko ya mathomo. Tshiñwe na tshiñwe tsha tshisadzini tsho vha tshi kha tsiko ya mathomo, fhedzi Efa o vha e si kha tsiko ya mathomo. Ni a vhona, izwo zwo ðo tea u itwa nga iyo ndila. Ri ðo swika khazwo nga murahu ha tshifhinganyana. Dzhielani nzhele, kha tsiko iyi ye a vha e khayo, hu si kha ya mathomo, fhedzi tshiþungulwa. Huno kha iyi tsiko, hu na . . .

¹⁰⁸ Zwino a thi ðodi u vhaisa vhüüpfi hanu, fhedzi ndi ðodou ni vhudza Ngoho. Huno inwi ni tou ðzula ni tokomelwe; ni khou ita zwavhudì.

¹⁰⁹ A hu na tsho vhumbiwaho u vha tshi fhuraho nga maanda, vhunga musadzi a no fhura. Hu nga si kone u vha na tshiñwe tshithu-vho; a hu na tsho itwaho uri tshi vhe nga iyo ndila.

¹¹⁰ Hafhu, a hu na tshine tshi nga fhuriwa nga ndila i leluwaho nga maanda vhunga musadzi. Zwino, u wa hu sumbedza itshi tshitatamennde tshi tsha ngoho, u wa ngei mathomoni.

¹¹¹ O vha a siho kha tsiko ya mathomo ya mathomoni. O vha e kha Adamu, fhedzi e si kha mbeu ya tshisadzini, ene muñe, ngei mathomoni. O vha e tshiþungulwa tsho itwaho.

¹¹² Zwino, a hu na tsho vhumbiwaho tshine tshi nga fhura, nahone tsha fhurwa, nga ndila i leluwaho vhunga musadzi. A hu na tsho vhumbiwaho kana tshine tshi nga tsela phasi vhunga musadzi. Elekanyani zwino. A hu na tsho vhumbiwaho, kha tsiko yothe, tshine tshi nga tsela phasi vhunga musadzi. A nga kona u kherukanya mbilu ya munna ya bva zwipiða nga ndila i leluwaho u fhira tshinwe tshithu-vho tshi re hone shangoni, ndi mufumakadzi wawe. I ri ni uyo mufumakadzi muþuku wavhudi a thome u gidima na muñwe munna; sedzani uyo muthu o dzulaho henehfo na vhana vhawe, miþodzi i tshi khou rotha maþoni awe. O vhumbiwa nga iyo ndilà. O vhumbelwa u ita hezwi. A hu na nguluvhe ya mboho, a hu na mmbwa, kana a hu na iñwe phukha, yo vhumbiwaho vhunga ene kana ine i nga tsela phasi vhunga ene a tshi nga tsela phasi. Zwino, izwo ndi ngoho.

Nga þonifho kha dzikhalaðzi, ndi khou þoda fhedzi inwi ni tshi sedzesza.

¹¹³ A hu na phukha ine i nga shaya vhudilisi. Ni vhidza mmbwa “mugodoi,” mmbwa ya tsadzi, ni vhidza ya mboho...nguluvhe “nguluvhe ya tsadzi,” fhedzi vhudilisi hayo vhu fhira ha vhomakone vhanzhi vha Hollywood nga maela dza milioni. Iyo ndi ndila ye a vhumbelwa u vha phasi ngayo. A nga si...Edzonu elekanya hezwi zwino. A hu na tshithu shangoni, tsho itwaho nga tsiko ya Mudzimu, tshine tshi nga shaya vhudilisi, tsha tsela phasi zwingafho.

¹¹⁴ Inwi ni ri, “Imani lwa tshifhinganyana, ‘munna’!” Ri khou ðo swika kha hezwo. Musadzi u tea u ri “ee.”

¹¹⁵ Dzhielani nzhele, a hu na tsho vhumbiwaho u vha phasi nga maanda, kana u vha tsha tshika, nga nn̄da ha musadzi. Mmbwa i nga si kone u zwi ita, nguluvhe i nga si kone u zwi ita, tshinoni tshi nga si kone u zwi ita. A hu na phukha ine i si vhe na vhudilisi, kana ya vha nga u ralo, ngauri a yo ngo vhumbelwa uri i vhe zwenezwo. Nguluvhe ya tsadzi i nga si vhe ine ya shaya vhudilisi, mmbwa ya tsadzi i nga si vhe ine ya shaya vhudilisi, tshinoni tsha tsadzi tshi nga si vhe tshine tsha shaya vhudilisi. Musadzi ndi tshone tshithu fhedzi tshine tshi nga zwi ita.

¹¹⁶ Zwino ni a vhona he Sathane a ya? Ni a vhona? Fhedzi u kha ði vha, ndi ene a re na maanda a u ri “ee” kana “hai.” Ni a vhona, zwi ya na nga hune a þodou ðifarelela ngaho. Ni a vhona? Zwino hafha ri kona u vhona mbeu ya þowa zwi khagala, hune

ya dzhena hone. Hu na fhethu huthihi fhedzi hune i nga ya hone. Arali izwo zwi sa do zwi ombedzela, muñwe o swinga. Ni a vhona? Ni a vhona, yo do tea u ya kha hoyo.

¹¹⁷ Dzhielani nzhele, tsho itisaho uri phukha dzi kundelwe u zwi ita, phukha ya tsadzi, dzo vha dzi kha tsiko ya mathomo. Fhedzi musadzi o vha a siho kha iyo tsiko ya mathomo. Zwino ri khou humela murahu u gwa hezwi, zwenezwo ra ni disa henehfa fhasi kha ñuvha la musalauno, kha Testamente.

¹¹⁸ O vhumbiwa, e eþhe, u itela tshika na vhutshilo ha tshika. Mmbwa i nga si kone, nahone a hu na tshiñwe tsha tshisadzi tshire tshi nga kona. Ndi musadzi fhedzi ane a nga kona. Mmbwa kana dziñwe phukha-vho, luthihi nga ñwaha, nahone izwo u itela vhuskie hayo; hu si u diphina nga vhudzekani, fhedzi u itela vhuskie hayo. Nguluvhe ya tsadzi ya kale, mmbwa ya mugodoi ya kale, luthihi nga ñwaha, tshifhinga tshithihi, uho ndi u itela vhuskie hayo. Fhedzi musadzi o vhumbelwa tshifhinga tshiñwe na tshiñwe-vho tshire a funa. Ndi na zwiñwe zwithu zwo thuthiwaho hafha zwino; ni nga humbulela zwiñwe. Mmbwa i nga si kone; musadzi a nga kona. Ndi fulufhela uri Muya Mukhethwa u a ni dzumbululela zwiñwe zwa hezwi zwe nda zwi thutha hafha.

¹¹⁹ Ndi ene mufuda u woþhe, mufuda wa tsha tshisadzi, we wa nakiswa u fhira tsha tshinna. A hu na muñwe mufuda vhukati ha tshiñwe tshithu-vho. Zwiñwe zwivhumbwa zwoþhe zwa Mudzimu ndi zwiduna zwo nakaho, u tou fana na kha dziphukha, zwinoni, na zwiñwe-vho, tshifhinga tshoþhe tsha tshiduna tsho naka.

¹²⁰ Sedzani nyala ya nduna khulu, ñanga khulu dzavhudzi, mufuda muhulwane; na nyala ya tsadzi ðukhu, ya u ðitukufhadza. Sedzani mukuku muhulu na mithenga yawo yoþhe ya u naka; na phambo ðukhu, ya muronzhe. Sedzani zwinoni, mukukulume na phambo. Mulandu, ndi ngani yo ralo, kha zwivhumbwa zwoþhe zwa Mudzimu? Tshivhumbwa tshiñwe na tshiñwe, kha tshiduna ndi tshone tsho nakesaho. Vhukati ha dzinngu, vhukati ha dzi-dzinguluvhe, vhukati ha dzibere, vhukati ha tshiñwe na tshiñwe-vho, tshifhinga tshoþhe ndi tshiduna tshihulu tsho nakaho, na kha zwinoni.

¹²¹ Fhedzi kha lushaka lwa vhathu, musadzi ndi ene o nakaho, hu si munna; arali o ralo, hu na tshiñwe tshithu tsho khakheaho, hu na mbeu yo pfukaho huñwe fhethu. Mathomoni zwi nga heyo ndila. Mulandu, ndi ngani zwo itwa? U fhura ngae. Muvhumbi wawe, Sathane, u kha di mu shuma, na ene-vho, maðuvhani haya a u fhedzisela.

¹²² I ri ni ndi ime hafha lwa tshifhinganyana. “U naka!” Naa no zwi ðivha, kha tshinyadzo ya u thoma, ya dzitshakha, ya shango, kana shangoni ñoþhe, ho vha hu nga ñwambo wa

vhasadzi vho nakaho? "Musi vharwa vha Mudzimu vha tshi vhona vhananyana vha vhathu uri vho naka, vha vha dzhia vha vha vhasadzi vhavho." Naa izwo ndi zwone?

¹²³ Naa no no dzhiela nzhele muengedzo wa lunako lwa vhasadzi kha lino ḋuvha? Ndo vhona tshifanyiso tsha Pearl O'Brien, we a vha a tshi dzhiwa sa musadzi o nakesaho kha lushaka, nga tshiñwe tshifhinga. A hu na musidzana muswa kha itshi tshikolo ane a nga mu fhira lini, musi hu tshi ḋiwa kha lunako.

¹²⁴ Muengedzo wa lunako lwa vhasadzi u khou sumba tshifhinga tsha vhufhura. Naa ndi lini he tshivhidzo tsha sedzea tsho naka lwo engedzeaho-vho u fhira zwine tsha ita ḥamusi? Tshiñwe na tshiñwe tshi khou ḫana zwifhaṭo zwiḥulwane, zwiḥulu zwavhudi, na milioni ya *hezwi* na milioni ya *hezwo*. A ni vhone, "wa musadzi," vhufhura!

¹²⁵ Zwino, a hu na tshire tshi nga tsela fhasi vhunga ene, huno o vhumbiwa u itela uri a kone u fhura. Huno Saṭhane u khou mu shuma zwa vhukuma ḥamusi, mađuvhani haya a u fhedzisela, ngauri ndi ene muvhumbi wawe. Ndi nga zwi sumbedza hezwo zwino. U humela murahu ngei mathomoni, ndi nnyi o thomaho u mu shuma, Adamu kana Saṭhane, Mudzimu kana Saṭhane? Ni a vhona, ndi muvhumbi wawe. Ndi tshiṭhavhani tshawe tshihulu u posela munna tshikani yawe, e musadzi o nakaho, u kona u isa munna thungo iñwe na iñwe ine a ṭoda. Mukomana, a si bara hafha fhasi i no wana munna; ndi musadzi o nakaho a no tsa nga tshiṭarata, a tshi dithwista, o ambara lwa hafu. Izwo ndi zwine zwa dzhia... Uyo ndi muvhuri henehafho. Huno u a vhulaha ngayo, u vhulaha vhukumakuma. Ni nga ḋi mmbudzisa nga ha Saṭhane e muvhumbi wawe, fhedzi iyo ndi Ngoho. Saṭhane o mu vhumba. U kha ḋi zwi ita.

¹²⁶ I ri ni ndi ni sumbedze tshiñwe tshithu Luñwaloni. Ndi tea u ni humisela murahu Luñwaloni, huno ni swike kha muhumbulo wañu musi ni tshi tshi sedza ḥamusi.

¹²⁷ Saṭhane ndi ene a no ḫana ulwo lushaka lwa lunako. Arali ri tshi ḋo dzhiela nzhele, o vha o nakesa u fhira Vharuñwa vhothe ngei Ṭadulu. Naa izwo ndi zwone? Huno o tama u ita Ṭadulu fhethu ho nakaho lwo engedzeaho u fhira muvhuso wa Mikaele. Naa izwo ndi zwone? Hafhu, u sumba uri Kaini o vha e murwa wawe, o ḥekedza nduvho yo nakaho lwo engedzeaho, a khavhisā alīṭari dzawe nga mitshelo na maluvha, na zwiñwe-vho. Naa izwo ndi zwone? U naka! Tshivhi tsho naka, tshire ra tshi vhidza lunako ḥamusi. Huno tshivhi tshi a fhura, nga lunako. Na kathihi ni nga si sedze musadzi a tsaho nga tshiṭarata huno na amba tshi re mbiluni yawe. Ni a vhona? Fhedzi ndo ṭodou amba hezwi zwithu u itela uri ni kone u vhona uri ndi ngani uyo Saṭhane e muvhumbi wawe. Izwo ndi zwone kokotolo, murwa wawe ene muñe o zwi sumbedza, Kaini. Zwino, o naka u itela uri a kone u fhura.

¹²⁸ Shango lo naka u itela uri li kone u fhura. Ndi khou amba *kosmos*, nzulele ya shango. Yo naka u itela uri i kone u fhura, fhethu huhulwane havhudzi na ludzula.

¹²⁹ Elelwani muporofita, Amosi, musi a tshi da ntsha huno a sedza fhasi ngomu muđini, huno a u vhona vhunga Hollywood ya musalauno, mađonyana awe a kale a vha mađuku, fhasi ha ayo mavhudzi o rivhaho o nembelelaho khofheni hawe. O tsela heneffo e na Mulaedza, huno a U thuthubisela afho fhethu. A ri, “Mudzimu onoyo ane na diphima u mu shumela, u do ni tshinyadza!” Izwo ndi zwone.

¹³⁰ Tshivhi tsho naka. Vha fanyisa Yudasi sa tshinwe tshidakwa tsha kale hangeno nn̄da tshițarađani huňwe fhethu, huno mulomo wo nembelela u na thunzi ngomu hawo, na zwiňwe-vho, sa Yudasi. Yudasi o vha o vhumbea zwavhudi, o khwađha, mufhuri. A si uyo muthu a no do ni thogomeia, a si munna a no (rabulasi wa kale) dzhena o ambara phere ya maovarolo, u thogomela musadzi wańu; ndi uyo mudzia-u-fhura, ndi uyo mudzia-u-sa-fulufhedzea.

¹³¹ Tshivhi tsho naka mađoni a shango, fhedzi Mudzimu ha taniwi kha ulwo lushaka lwa lunako. Naa izwo no zwi ñivha? Mudzimu u taniwa kha mvumbo, mvumbo yo nakaho.

¹³² Bivhilini, Yesaya 53, arali ni tshi ḥodou ñwala ulwo Luňwalo. I na miduba ya Luňwalo lwo ñwalwaho nga thungo hafha u itela yone. Yesaya 53, Bivhili yo amba nga ha Murena Yesu washu, zwauri, “Ho vha hu si na lunako lwa uri ri Mu tame. Huno ro Mu dzumbamisela zwifhaňuwo zwashu.” Naa izwo ndi zwone? A ro ngo Mu tama, ngauri O vha a songo naka. Hu na khonadzeo ya uri O vha e muthu muđuku, mahada o hovhamma, a tshi vhonala e muđuku, huno O vha a sa tamisi u vha murangaphanda. Ho ngo sedzea sa murangaphanda. O amba nga luambo zwalwo lwa tshițarađani, na zwiňwe-vho, vhunga vhathu vha tshi ita, vhathu zwavho, ngauralo-ha Ho ngo sedzea vhunga O vha e tshinwe tshikola tshihulwane-vho, tsho funzeaho, tshavhudi, tsho ambadzwaho hothe, na tshinwe na tshinwe. O vha a tshi tou vha Munna zwawe. “Ho vha hu si na lunako Lwawe, lwa uri ri tea u Mu tama.” O tshimbila ngomu na nn̄da ha vhathu, heneffo navho, a vho ngo vhuya vha divha uri O vha e Nnyi. Ho ngo sedzea sa mudzimu a no khou tshimbila, zwe ra vha ri tshi do elekanya uri ndi mudzimu. Fhedzi, itali, O vha e ene!

¹³³ Naa no dzhiela nzhele musi Murena Mudzimu o ri kha-kha Samuele, “Gonya u ye nduni ya Isai huno u dolise muňwe wa vharwa vhawe, khosi, u dzhia fhethu ha Saulo”?

¹³⁴ Zwino, vhathu vho nanga Saulo, ngeno Samuele zwa vhukumakuma o vha vhudza uri vha songo zwi ita. O ri, “Mudzimu ha ḥodi ni tshi vha na khosi; Ndi ene Khosi yańu.” Nahone a ri, “Naa ndo vhuya nda ni vhudza tshinwe

tshithu-vho, nga Dzina ja Murena, nga nn̄da ha tshe tsha khunyelela? Naa ndo vhuya nda ni humbelā tshelede kana tshiñwe tshithu, tshiñwe, uri ndi kone u tshila?”

¹³⁵ Vha ri, “Hai, na kathihi a wo ngo ri humbelā tshelede. Huno tshiñwe na tshiñwe tshe wa amba, nga Dzina ja Murena, tshi a khunyelela. Fhedzi ri ḥoda khosi, naho zwo ralo,” ngauralo vha nanga Saulo. Sedzani zwe shango ja nanga! Sedzani zwe Israele vha nanga! Israele, vhadodzwa vha Mudzimu, vho nanga munna we ḥoho na mahāda zwa vha zwi nga n̄ha ha muñwe munna-vho kha lushaka; muthu muhulwane, muhulu, wavhuđi, a vhonalaho o vhumbea zwavhuđi, huno tshifhinga tshođhe o vha e thunzi tshidoloni.

¹³⁶ Fhedzi Mudzimu o ri, “Ndi khou yo u nanga uri u vhe khosi u ya nga kunangele Kwanga.” Ngauralo A ri, “Samuele, A thi khou yo u vhudza uri ndi nnyi, fhedzi iwe gonya henengei. Ndi muñwe wa vharwa vha Isai.”

¹³⁷ Huno Isai, mufumakadzi wawe, na avho vhođhe vha sedza u mona hođhe, vha ri, “Ee, murwa washu wa kalesa, ndi muhulwane, mulapfu, munna o vhumbeaho zwavhuđi, u ḥo vhonala o tea khare ya khosi. O thanya. O funzea. Ndi munna wavhuđi. Ndi a ḫivha zwauri u ḥo tou tea. U amba ipfi ḥawé nga pfanelo.”

¹³⁸ Musi vho mu bvisela nn̄da, Samuele a dzhia tshitemba tsha mapfura huno a ya khae. A ri, “Hai, Murena o mu hana.” Ngauralo a tshimbila tshikhala tshođhe u ya henengei, kha vharwa vha rathi, huno Murena a hana muñwe na muñwe wavho. A ri, “Naa a hu na muñwe?”

¹³⁹ “Oo,” a ri, “ee, hu na muthihi, u hangei murahu nn̄da u khou lisa dzingu. U sokou dzula henengei murahu nahone a tamba dzinyimbo, huno a dzi imba, huno a ḫavha mukosi, nahone a bvela phanda. Fhedzi, ndi munna muñku wa kale o ovhamaho mahāda, a no vhonala e muñku, na kathihi a nga si vhe khosi.”

¹⁴⁰ A ri, “Iya u mu dzhie.” Huno musi Dafita a tshi vho vhonala kha muporofita, muporofita a gidima na mapfura huno a a shululela ḥohoni yawe, a ri, “Uyu ndi munangiva wa Mudzimu.” Hu si u naka; fhedzi mvumbo. Mudzimu u sedza mvumbo.

¹⁴¹ Muthu u sedza lunako lwa mupo. Lu a fhura. Huno izwo ndi ngazwo musadzi o ḫewa ulwo lunako, u itela vhufhura, u fhura. Musadzi o nakaho, arali a sa lu shumisi nga ndila yone, ndi samba khae; ulwo lu ḥo mu rumela vhudzulavhafu nga u ḫavhanya u fhira tshiñwe tshithu-vho tshire nda tshi ḫivha. Arali a tshi tou... Arali a tshi nga naka, ngoho, musi a tshi khou di dzula na munna wawe huno a ita zwi re zwone, huno izwo—izwo ndi zwavhuđi nahone zwa mañhakheni. Fhedzi a nga dzhia tshenetsho tshithu tshithihi nahone, nñenñe, nga ndila ine a nga fhura ngatsho, ngauri o ḫewa uri a ite nga u ralo.

¹⁴² Dzhielani nzhele, zwino, fhedzi Mudzimu u taniwa kha mvumbo. “Ho vha hu si na lunako lwa uri ri nga tama Yesu,” fhedzi na kathihi a ho ngo vha na mvumbo i no nga Ene, kha lifhasi.

¹⁴³ Zwino ri a wanulusa, ɿamusi, uri mvu—mvumbo ya tshivhidzo, Sañhane na tshigwada tshawe, vha ḥoda zwivhidzo zwihiulu, zwo nakaho, zwithu zwo nakaho. Izwo ndi zwine shango la zwi sedza ɿamusi. “Oo, ndi mufunzi, tshifhinga tshihulwane tsha *mukeneñene, mukeneñene*, u nga tshifhe nga maanda nahone u ofha Mudzimu, a tshi bvela nn̄da, idzi nguvho khulu, na zwithu zwo raloho.” Izwo vha zwi vhidža lunako.

¹⁴⁴ Fhedzi vhakhethwa vha vhukuma vha Mudzimu vha ḥoda mvumbo ya Ipfi lo khwathisedzwaho.

¹⁴⁵ Izwo ndi zwe vhakhethwa vha ita nga liña duvha, musi vho vhona Yesu. O vha e si tshithu tshe tsha vha tshi tshi nga sedzwa, fhedzi vho vhona uri Mudzimu o vha e Khae. Vho vhona uri Mudzimu o vha e Nae.

¹⁴⁶ Iyo ndi ndila ye avho, Yoaba na avho vhabvumbedza na Dafita, muthu muñuku wa kale, fhedzi vho vhona uri mu—munna o vha e khae. Vho vhona uri Mudzimu o vha e khae, nahone vho ñivha uri u khou da muvhusoni liñwe duvha. Vho... Muthihi a vhulaha avho vhañwe vharathu vhañtanu vha Goliada, e eþhe. Muthihi a vhulaha vhanna vha maðana mararu; musi vhañwe vhasadzi vha tshi khou fula dziñawa dza tshiswiþulo, huno mmbi yo no þuwa, huno a dzhia pfumo huno a vhulaha vhanna vha madana mararu, Vhafilista. Mvumbo! Mulandu? Vho dzula henehafho na Dafita. Vho ñivha zwauri nñodzo yo vha i khae, nahone vha ñivha zwauri o vha a tshi khou da muvhusoni.

¹⁴⁷ Tshifanyiso kwae tsha Tshivhidzo ɿamusi tshi no do ima nga Ipfi! Ri a ñivha zwauri Li khou do itwa lo khwathisedzwaho. Ri a ñivha zwauri Li khou da muvhusoni nga liñwe duvha. Naho Saulo... Huno o vha e mushavhi a bvaho kha dziñwe tshakha, fhedzi vho ñivha zwauri o vha a tshi khou da muvhusoni. Ri a ñivha zwauri U khou da muvhusoni, na ene-vho, ngauralo ri dzhia ilo Ipfi huno ra ima henehafho, hu sa londwi uri zwi dzhiani. Arali ri tshi tea u tumula Vhafilista, kana u fhufhela mugodini huno ra vhulaha ndau, vhunga muñwe o ita, ri a ya naho zwo ralo, ngauri ndi... iyo ndi ndila ye Mudzimu a i vhumba uri i vhe zwone. Ri ḥoda mvumbo.

¹⁴⁸ Zwino ni nga di mmbudzisa, “Ndi ngani O mu tendela u vhumbwa nga u ralo?” A thi ḥodi u dzhia tshifhinga tshinhisa, ngauri ndi na zwinzhi zwo engedzeaho zwine nda do amba hafha. “Mulandu,” mbudziso i nga di ða-ha, “ndi ngani Mudzimu o ita uyu musadzi ngaurali? Ndi ngani O mu tendela u vha nga u ralo?” Zwo vha zwi zwa lutamo lwavhuði Lwawe Ene muñe. Ngoho.

¹⁴⁹ Zwino arali ni tshi khou todou vula Bivhili dzanu lwa tshifhinganyana, kha ri vułe kha Vharoma 9, lwa

tshifhinganyana, huno ndi ni sumbedze tshiñwe tshithu, ndila ine Mudzimu a ita hezwi zwithu, arali ni tshi ḥoda u—u i vhala. Huno ri a kona u vhona hafha zwine Mudzimu a ita a tshi itela lutamo lwavhuđi Lwawe Ene muñe. Vharoma 9:14.

Zwenezwo ri ḥo ri mini-ha?

Naa hu na u sa luga phanda ha Mudzimu? . . .

¹⁵⁰ Musi O nanga Esau, kana o nanga Yakobo huno a landula Esau, muñwe wa avho vhatukana a sa athu vha na pfanelo ya u nanga, ene muñe, naho hu muñwe wavho; vha sa athu bebwa, vha tshi kha di vha mbumbeloni ya mme, Mudzimu o ri, “Ndi vhenga Esau, huno Ndi funa Yakobo.” Ni a vhona? Mulandu?

Ngauri o ri kha Mushe, Ndi ḥo khathutshela ane Nda ḥo khathutshela, huno Ndi ḥo pfela vhutungu ane Nda ḥo pfela vhutungu.

Ngauralo zwenezwo a si . . . uyo ane a funa, kana . . . uyo ane a gidima, fhedzi ndi Mudzimu a no sumbedza khathutshelo.

Ngauri luñwalo lu ri kha Farao, Nahone Ndo itela ndi who yeneyi nthihi Ndi tshi u vusa, uri Ndi kone u sumbedza maanda anga kha iwe, na uri dzina ḥanga li kone u divhea kha liphasi lothe.

Ngauralo-ha u . . . (zwino sedzani hafha) . . . ngauri u . . . khathutshela ane a ḥo mu khathutshela, huno u ḥo rindidza ane a funa.

Inwi ni ḥo ri . . . kha nñe, Ndi ngani zwenezwo a . . . wana mulandu? Ngauri ndi nnyi o hanedzaho lufuno lwawe?

Hai fhedzi, Oo munna, iwe u nnyi ane a pikisa Mudzimu? Naa tshithu tsho vhumbiわho tshi nga ri kha uyo o tshi vhumbaho, Ndi ngani wo nnyita hetshi?

Naa muvhumbi ha na maanda kha vumba, nga matope eneo mathihi a ita mudzio muthihi wa u hulisea, huno muñwe wa u nyadzea?

Mini-ha arali Mudzimu, a tshi funa u sumbedza vhuhali hawe, na u ita uri maanda awe a divhee, o kondelela . . . u sa fhela mbilu ho raloho kha mudzio wa mbiti wo lugiselwaho tshinyadzo:

. . . uri a kone u divhadza lupfumo lwa vhugala hawe kha mudzio wa khathutshelo, lwe a dzula o lu lugisela vhugala,

¹⁵¹ Zwino ḥañani na Heļo lwa tshifhinganyana. Mudzimu o zwi ita! O ḥo tea u zwi ita nga ndila heyi. Zwo ḥo tea u vha hone. Zwino thetshelesani zwino lwa miniti i no ḥodou swika miñanu, ndi ḥodou kunga tshenzhemo yañu kha tshiñwe tshithu.

¹⁵² Naa Mudzimu ndi mini? Mudzimu ndi U Ya Nga Hu Sa Fheli huhulwane. Ngei mathomoni, kale-kale hu sa athu vha na mathomoni, O vha a sa vhuyi a vha Mudzimu. Naa izwo no zwi ḋivha? *Mudzimu* ndi “tshithu tsha nduvho,” huno ho vha hu si na tshithu tsha u Mu luvha. O vha a tshi dzula e eṭhe.

¹⁵³ Huno kha Ene ho vha hu na zwiṭaluli. Naa tshīṭaluli ndi mini? Muhumbulo. Zwino ni ḍo wana tshīnwe tshithū tshi no do enda na ngudo ya madekwana a ḥamusi. Dzhielani nzhele, Ö vha e zwiṭaluli Zwawe zwe zwa vha zwi Khae. Zwino, ho vha hu Khae u vha Khotsi, ho vha hu Khae u vha Mudzimu, ho vha hu Khae u vha Murwa, ho vha hu Khae u vha Mutshidzi, ho vha hu Khae u vha Mufhodzi. Huno hezwi zwithu zweṭhe hafha zwi khou tou ḥana zwiṭaluli Zwawe. A hu na tshithu tshi siho ngonani. Naa ni vhona u nga Mudzimu ho ngo vhona vhufhelo u bva mathomoni? Zwa vhukuma, O ralo. A hu na tshithu tshi siho ngonani, hu tou vha u ḥana zwiṭaluli Zwawe.

¹⁵⁴ Zwino, O vha a si nga vhi o *lugaho* huno a ita uri muthu a we. O ḍo tea u mu vhea kha theo yo edanaho, ya u ita o vhofholowa, u nanga ene muṇe, fhedzi a tshi ḋivha uri u ḍo wa.

¹⁵⁵ Zwino, A nga si vhe Mutshidzi nnḍani ha musi tshīnwe tshithu tsho xela. A nga si vhe Mufhodzi nnḍani ha musi tshīnwe tshithu tshi tshi lwala. Hezwi zwithu zwe ḍo tea u vha nga iyo ndila. Mudzimu o vha ita nga u ralo u itela uri zwiṭaluli zwiḥulwāne Zwawe zwi kone u ḥaniwa. Arali izwo zwe vha zwi siho, O vha a tshi ḍo vha a songo vha Mutshidzi na kathihi. Fhedzi ri a ḋivha zwauri O vha e ene, na phanda ha musi hu tshi vha na tshifhinga, O vha e Mutshidzi. O vha e Mutshidzi, ngauralo ho ḍo tea u vha na tshīnwe tshithu tsho xelaho. Naa zwi khou yo vha hani?

¹⁵⁶ Arali A dzhia huno a tshi xedza, u tou itela u tshi tshidza, zwenezwo a si u luga kha khaṭhulo Yawe. Ho ngo kona u rumela muthu vhudzulayhafu, huno a vha o lugaho. U na vhulenda, o vuda, ndi wa ngoho, u a fhulufhedzea, nahone Ndi ene Muhaṭuli muḥulwane. Ni a vhona, U ḍo vha a tshi khou Dilwisa.

¹⁵⁷ Ngauralo O ḍo tea u vhea muthu hafha nnḍa, huno a mu ita o vhofholowaho, nga u ralo o vha a tshi ḍo, a tshi ḋivha, uri u ḍo wa; huno muthu, nga tshifanyiso Tshawe Ene muṇe, naa o vha a tshi ḍo wa hani? Zwino inwi ni tshi khou vhona Tshedza tsha masiari? Ngauralo, O ḍo tea u ita tshīṭungulwa, tshīnwe tshithu tshi bvaho kha tsiko ya mathomo. Zwino ni a tshi vhona. Ni a vhona? Ngezwo ni a ḫa. Ni a vhona? Zwenezwo, itsho ndi tshe tsha wa. O tshi ita, a tshi ḋivha uri tshi ḍo wa. Huno tsho vhewa zwandani zwa Sathane, u itela mudzio u nyadzeaho. Naa u huliswa hu vhewafhi ḥamusi? Elekanyani hezwo. Dzhielani nzhele nga vhuronwane zwino.

¹⁵⁸ Zwenezwo hafhu, ndi ngani o vhumbiwa nga iyi ndila nahone hu si u fana na zwiṭwe zwa tshisadzini, ndi ngani

musadzi o vhumbiwa ngaurali nahone hu si u nga zwińwe zwa tshisadzini? A hu na tshińwe tsha zwińwe zwa tshisadzini tshe tsha vhumbiwa nga u ralo. A two ngo ralo, namusi. Zwi nga si kone. A songo itwa nga iyo ndila, a nga si kone u zwi ita. Ndi ngani zwenezwo A songo ita uyu wa tshisadzini, musadzi, u tou fana na zwińwe zwa tshisadzini, uri a tou vha nga ndila yeneyo nthihi, uri a kone u tou alusa vhuskie hawe? Zwenezwo o vha a tshi do vha na munna wawe, huno a tshila; huno musi hu tshi da tshifhinga tsha lushie lwawe, o vha a tshi do vha na lushie lwawe. Mulandu, ndi ngani A songo mu ita ngaurali?

¹⁵⁹ Ndi nga si kone u amba haya maipfi. Huno ni a pfectesa zwine nda khou zwi amba, a ni ralo? Arali ni tshi kona u pfectesa, i ri ni “amene.” [Tshivhidzo tshi ri, “Amene.”—Mudz.] Iina. Ni a vhona? Hu na vhasidzana vhaswa vho dzulaho hafha, na vhatukana vhaswa, ni a vhona. Fhedzi ni a diwha, phukha i tea u da kha tshińwe tshifhinga tsha riwaha, na thama yayo, zwenezwo ndi zwezwo fhedzi. Fhedzi, musadzi, ndi tshifhinga tshińwe na tshińwe-vho. Huno ndi ngani O mu ita ngaurali?

¹⁶⁰ Zwino sedzani mbekanyamushumo khulwane Yawe i tshi petuluwa, musi ri tshi bvela phanda ri tshi fhira hafha zwino, two tou fhelela sa zwine u fhelela hu nga vha zwone. A tho ngo zwi diwha hezwi u swika lińwe duvha.

¹⁶¹ Ndi ngani A songo mu ita nga u ralo mathomoni, vhunga zwińwe zwa tshisadzini Zwawe? Ngauri two vha zwi tshi do vha zwi songo Mu tea. Ndi ene Tshisima tsha lukuna lwothe. Izwo ndi ngazwo O da a tendela Sañhane uri a mu fare, zwe a ita kha u shande. Tshivhumbwa tsho raloho tsho vha tshi tshi do vha, tsho vha tshi tshi do vha tshi songo Mu tea, tsho vhumbelwaho zwone mathomoni.

¹⁶² Mishumo Yawe yothe ye A i vhumba, kha zwa mathomo, i bvela phanda hu si na tshanduko. Yothe mishumo Yawe ya mathomo yo vha i tshi bvela phanda hu si na tshanduko. Mmbwa ya tsadzi, mmbwa ya nduna; ni a vhona, kholomo ya tsadzi, kholomo ya mboho; tshińwe na tshińwe tshi bvela phanda hu si na tshanduko. Mupo wothe u bvela phanda hu si na tshanduko. Mbeu i a fa, i dzhenya mavuni; u tou fana na lufu, u swińwa, mvuwo. Sama li tsela fhasi li tshi bva kha muri, li wisa tarí lawo, li a vhuya nwkani na mvuwo ya tarí liswa. Ni a vhona uri ndi khou ri mini? Tshińwe na tshińwe, na wone mupo, wa Mudzimu, wothe u bvela phanda hu si na tshanduko, kha tshithihi; huno hafha hu na tshithihi tsho vhumbiwa ha nnda ha u bvela phanda ha Mudzimu. Mupo wo vhumbwa nga ndila ine u nga si kone u tshinya. Elekanyani! Tsiko ya mathomo, ya Mudzimu, yo kundelwa u tshinya.

¹⁶³ Oo, naa a ni hu vhoni zwino, kha iyi mbono hafha, u shande ha tshividzo? Tsha mathomo ndi Ipfi la Mudzimu! A hu na tshivhi kha Mudzimu. Ni a vhona uri ndi khou

ambani? Ngetshi tshivhumbwa tshi vhaho hone nga u shandea. Mudzimu u khou yo vha na Tshivhidzo, fhedzi sedzani itshi tshithu tsho shandeaho tshire vha vha natsho nnda.

¹⁶⁴ Mudzimu u na tshinna na tshisadzi. Fhedzi, musadzi uyu, ni a vhona, tsumbadwadze dzawe dzi sumbedza murahu zwe zwa vha zwi thalukanyoni ya Mudzimu. Ri nga di dzhia awara, kana mbili, huno ijo ra li kwashekanya. Wa musadzi, ho itwa tshivhumbwa itshi u itela iyo ndila, O ita tshivhumbwa huno a tshi rembulusa uri Saθhane a kone u tshi fara, huno a ralo. U kha di vha nae. Ndi khwine a tshi shavhela Tshifhambanoni, vhunga munna, na ene-vho.

¹⁶⁵ Dzhielani nzhele, mupo wothe u bvela phanda hu si na tshanduko. Arali O vha a tshi do vha o ita musadzi nga tsiko yeneyo nthihi ya mathomo, ho vha hu tshi do vha hu songo vha na tshivhi, ngauri o vha a tshi do vha a songo tshi ita, o vha a tshi do vha a songo tshi ita. Ndi ene u shandea ha tsiko ya mathomo.

¹⁶⁶ Ngauralo tshivhi tshothe ndi u shandea ha Ngoho ya mathomo! Naa mazwifhi ndi mini? Ndi Ngoho yo shandwaho. Naa vhupombwe ndi mini? Ndi nyito yone yo shandeaho. Ngauralo ngetsho tshivhumbwa tsho shandeaho, ngetsho tshithu tshothe tsho shandeaho. Huno tshithu tshothe tsho peletwa t-s-h-i-v-h-i, tshi henehafho. Izwo ndi ngazwo mbudziso i khulwane nga maanda.

¹⁶⁷ Tshipida fhedzi, lupepelele, tsho itwaho nga munna, u mu fhura ngatsho; Mudzimu o tshi ita, henehafha o zwi sumbedza. Izwo ndi zwe a itelwa zwone.

¹⁶⁸ Musadzi a si na vhudilisi ndi tshithu tsha phasisa tshire tshi nga humbulwa, liphasini. Pfarelo kha heli, vhafumakadzi vhaswa. Ha tshithu nga nnda ha tshikotiko tsha tshika tsha muthu, u ditana lwa vhudzekani. Ndi zwenezwo fhedzi zwine a vha zwone, musadzi a si na vhudilisi, ndi tshikotiko tsha tshika tsha muthu tsha vhudzekani, tshikafhadzo, huné tshika yo tshikafhalaho, ya tshika, yo vhifhaho, ya fhasi-fhasi ya bviswa nga ene. Ndi ngani o itwa ngaurali? U itela vhufhura. Tshivhi tshiriwe na tshiriwe tshe tsha vha kha liphasi tsho vhangwa nga musadzi.

¹⁶⁹ Huno musengulusi ane a kha di bva Chicago, mu—musadzi o nwala lianetshelwa ili, maanda a tshipholisa; zwe vha zwi gidimedza, kha la United States, United States la dzidzoroboni, uri “Phesente dza fuṭahemalo dza vhutshinyi vhuriwe na vhuriwe he ha vhuya ha itwa nga tshiriwe tshivhumbeo-vho, kha la United States, ho vha hu na musadzi khaho kana murahu haho.”

¹⁷⁰ Zwino ndi khou amba hezwi zwe the, u da kha tshithu tshithihi hafha magumoni, uri ni kone u vhona uri thaidzo ndi mini.

¹⁷¹ O itwa uri a fhure, vhunga o ita Adamu ngei mathomoni, o mu vhudza uri mutshelo wo vha u tshi takadza, na zwiñwe-vho, u mu fhura na u mu ṭuwisa kha Ipfi. Iyo ndi ndila ine tshivhidzo tsha ita ñamusi, zwenezwo zwithihi.

Fhedzi zwenezwo, nga murahu ha hezwo, u vha muvhusi wawe, u mu vhusa.

¹⁷² Zwino ndi phambano-de nandi kha lino ḫuvha, kha lino ḫuvha la u dihwala. Vhudzuloni ha ene e muvhusi wawe, o no vha mudzimu wawe. Ngoho, u a mu vhusa. Zwino hu na khonadzeo ya uri ni nga pfectesa zwavhuđi zwe nda vha ndi tshi khou zwi ombedzela. Nga lunako lwawe na ndango yawe ya vhudzekani, tshivhumbeo tshawe tshe tsha ḫewa ene nga Sađhane, tshiđulungwa tshe Sađhane a ita, o rumelwa u fhura vharwa vha Mudzimu. Huno a nga pambusela vho engedzeaho vhavho vhudzulavhafu u fhira tshiňwe tshishumiswa-vho tshine Sađhane a vha natsho. Izwo ndi zwone kokotolo.

¹⁷³ Nne ndi khou amba nga ha vha si na vhudilisi zwino, hu si vhoinwi dzikhaladzi. Ri do ni nea fhethu hanu, fhethu hone-hone, nga miniti i si gathi, kha Ipfi la Mudzimu hafha. Ho vha hu kha pułane ya Mudzimu u bva matho—mathomoni.

¹⁷⁴ Zwino u ita izwi namusi, naa mudzimu wa la United States ndi ufhio? Ni a elelwa kha thaberanakele miňwaha yo fhiraho, ndo rera nga ha hezwo? Mudzimu wa lino ḫuvha la musalauno, musidzana mučuku o dzula heneffo o ḫola zwidolo, na rokho yo kokodzelwa nga n̄ha ha magona awe, na zwithu zwo raloho. Nda ri, “Vhonani mudzimu wanu!” Huno izwo ndi zwone, u kha khungedzelo iňwe na iňwe, e fhedzi lwa hafu. U tshiđaračani, nga ndila yeneyo nthihi.

¹⁷⁵ Ndi tshishumiswa tsha Sađhane, “u bva mathomoni,” Yesu u ralo. Ni a vhona? Ri a vhona uri zwo ralo zwino, na “u bva mathomoni,” na zwine A khou zwi amba.

¹⁷⁶ Zwino, vhahedeni vho vha vha tshi anzela u mu ita mudzimu, (naa izwo no zwi divha?) mudzimukadzi. Ngoho vho ralo. Vha mu ita mudzimukadzi, ngauri vho vha na nyito dza vhudzekani kha u luvha havho. Vho fhima uri, “O vha e musiki. Mbumbeloni yawe o hwala mbeu nahone a sika.” Ayo ndi mazwifhi. Hu na Musiki muthihi fhedzi, uyo ndi Mudzimu. Fhedzi ni a elelwa Paulo hangei? “Diana, wa Efeso,” tshifanyiso tsha tombo, tsho ri, “mudzimukadzi wa Tađulu, o poselwaho phasi.” Naa a ni vhoni uri u luvha ha vhuhedeni vhu hani?

¹⁷⁷ Huno riňe, ri sa zwi divhi, ri humela henengei murahurahu kha u luvha ha vhuhedeni hafhu, kha vhasadzi, tshivhumbwa tshenetsho tsha fhasisa kha liphasi, u-luvha-musadzi! U do pambusela munna huiwe na huiwe-vho hune a ḫoda. Huno a sa divhi, uho u naka hořhe hu re nga nnđa, uri vhudzulavhafu vhu nga ngomu. Salomo o ri, “Dzawe, dzawe khoro ndi khoro dza u ya vhudzulavhafu.”

¹⁷⁸ Zwino ri vhona zwi khagala hafha zwe Yesu a zwi amba kha Nzumbululo, ndima ya 2 na ndimana ya 15, zwa pfunzo ya Vha-Nikolai, u ḫa ha itsho tshivhidzo tshi tshi ḫikokodzela kule ha Ipfi.

¹⁷⁹ Hafhu ri a kona u vhona hafha, zwi khagala, mbekanyamushumo idzi dzi semanaho, dzi si na u ofha Mudzimu, dza tshika dzine ra vha nadzo kha thelevishini, dza khosikadzi dza vhudzekani dza Hollywood. Ri a kona u vhona tshika ya uyu mudi, musi avha vhana, zwisidzana zwa kale zwi tshi ya n̄tha-na-fhasi tshitaraṭani fhano, vha na zwiambaro zwiṭukutuku, zwi pataho, vha tshi thwista u mona hothe, huno hu tshi rothola lwo edanaho u vha xwatudza u ya lufuni. A vha ḋivhi uri uyo ndi Diabolo a no khou ita hezwo. Vho hwelwa nga maya muvhī, huno a vha zwi ḋivhi! Inwi a ni vhoni mmbwa ya tsadzi i tshi ita hezwo, ni a ralo? Inwi a ni vhoni tshińwe tsha tshisadzi-vho tshi tshi ita hezwo, nahone hu si na na tsha tshiduna tshine zwa khwine ha vha u ya khatsho, na tshithihi.

¹⁸⁰ Ni a vhona, zwino ni wana tshifanyiso? Ri do dzenisa tshińwe tshithu nga tshifhinganyana fhedzi, Murena a tshi funa.

Zwino ni a vhona Vha-Nikołai, ni a vhona pfunzo yavho.

¹⁸¹ Ni a vhona dzikhosikadzi ntswa, vha vha vhidza zwenezwo, iyi mitshino ya u bvula zwiambaro nnda tshiṭaratani. Ho vha hu tshi anzelwa u iwa kha lińwe ḥano li semanaho li re nga thungo, u yo vhona mutshino ya u bvula zwiambaro. Itonu vula maṭo aṇu, ni sedze tshiṭaratani, ndi zwenezwo fhedzi zwine na tea u ita zwino. Tshithu tshothe ndi mutshino wa u bvula zwiambaro. Ngoho. Naa vha zwi itelani? U kunga, u linga, itshe ndi tshone tshithu fhedzi tshine a nga zwi itela tshone. U a zwi ita ngauri e wa tshika. U a zwi ita ngauri o itwa nga iyo ndila. Ha limuhi uri ndi ene tshishumiswa zwandani zwa Saṭhane, huno itshe ndi tshine a vha tshone.

¹⁸² Na kha zwikolo zwashu ḥamusi, vha khou funza nyito dza vhudzekani. Shango lašu lo sinaho ja u-luvha-musadzi! Ndi a ḋivha uri izwo a thi ḫodi u zwi tenda. Hu a imiwa ha imbwa luńwe lushaka lwa luimbo, na zwińwe-vho, nga ḋuvha lithihi; huno nndā na vhasadzi, hu tshi gidimiwa u mona hothe, vhusiku hothe. Ni a vhona? Zwo luga. Ngeno, matoni a Mudzimu, Ipfi, e ene wa phasisa kha phukha dzothe dze Mudzimu a dici vhea kha lihiasi. Sedzesani.

¹⁸³ Izwo ndi ngazwo Mudzimu a tshi mu dzivhisa u funza Ipfi Ławe. Izwo ndi zwone. Timotheo Ya U Thoma 2:9-15, “A thi tendeli musadzi u funza, kana u vha na maandalanga mańwe-vho.” Ni a vhona? Nahone na Vhakorinta Ya U Thoma 14:34, “Vhasadzi vhaṇu nga vha fhumule zwivhidzoni, ngauri a vho ngo tendelwa u amba, ngauri vha a laiwa uri vha fhumule; sa Mulayo na wone u tshi amba.” Fhedzi, ḥamusi, naa tshivhidzo tshi itani? Vha mu ita vhafunzi, vhaevangeli, ngeno Bivhili i tshi zwi dzivhisa tshothe-tshothe. Nahone Bivhili yo ri, “sa Mulayo na wone u tshi amba,” i tshi tshi ita uri tshi bvele phanda hu si na tshanduko, tshithu tshothe.

¹⁸⁴ U tou fana na zwe Ngwana ya vha i zwone, madekwe, fhethu hu hothe ha u luvha, phasi ha Malofha o shululwaho a Ngwana. Ndi hone fhethu hu hothe namusi, kha Kristo. Ndila i yothe ine na ita ndi u dzhena Khae. Afho ndi hone fhethu hu hothe ha u luvha. Tshifhinga tshothe ho vha hu nga iyo ndila. Fhethu hu hothe ha u luvha ndi phasi ha Malofha o shululwaho.

¹⁸⁵ Ngauralo zwino ri vhona tshifanyiso tshothe tshazwo tshi tshi petuluwa kha rine. Ngoyo. Izwo ndi ngazwo Mudzimu a si nga mu tendeli u funza, a si nga mu tendeli u ita tshiñwe tshithu tshivhidzoni nga nn̄da ha u dzula a tokomelwa e na tshifhauwo tsho ambaraho lupila.

¹⁸⁶ Zwino ni a kona u vhona uri ndi ngani ndo amba zwithu nahone ndo ita zwithu zwe nda ita, ndi tshi divha izwi zwe the mbiluni yanga, mukomana, dzikhaladzi? Ndi a divha, dzikhaladzi, ndi nne...ni na fhethu hanu (nga tshifhinganyana), na mvumbo i mangadzaho ine Mudzimu a nga i vhumba ngomu hanu. Fhedzi ndi khou tou lingedza u amba kha liwe sia, u sumbedza zwine zwa vhukuma na bva khazwo, “ngei mathomoni.” Yesu o ri vhudza u “humela mathomoni,” u i wana. Izwo ndi zwine ra khou ita.

¹⁸⁷ Zwino ndi khou tea u ninga mbuno dza nthā kha vhunzhi ha hezwi, huno ndi a fhlufhela uri ni a zwi pfesesa. Huno vhoiñwi vhatu vhanne na do vha ni tshi khou thetshelesa iyi theiphi, ndi a fhlufhela uri ni a pfesesa. Itonu huma. Hu tou vha u sumbedza fhedzi uri Yesu o ri, “Humani, u bva mathomoni, huno ni wanuluse.” Zwithu zwe the, zwi humela mathomoni. Ni kona u vhona, namusi.

¹⁸⁸ Mulandu, vhatu, vha ri ndi muvhengi wa vhasadzi. Izwo zwi kule na Ngoho. A thi ralo. Vha vhidza, “Muvhengi wa vhasadzi!” Elelwani, who vhidza Paulo muvhengi wa vhasadzi. Musadzi a re mushumeli, a si kale-kale, o ri, “Oo, ni nga Paulo wa kale, zwe a tea u ita ndi u wana mulandu kha riñe vhasadzi.”

¹⁸⁹ Mukhethwa wa Mudzimu, we a tendelwa u ñwala Bivhili, Testamente Ntswa, huno na hanedza Maipfi awe? O ri, “Arali Muruñwa a bvaho Taqulu a funza tshiñwe tshithu-vho hu si Itshi tshe nda tshi amba, nga a señwe,” ri sa ambi muñwe mureri wa musadzi.

¹⁹⁰ Vho ri Eliya o vha e muvhengi wa vhasadzi. O vha e si muvhengi wa vhasadzi, wa vhasadzi vha vhukuma. U tou vha a songo takalela avho Vhojesebele.

¹⁹¹ Huno arali izwo zwe ralo, zwenezwo Mudzimu u fanela u vha nga ndila i fanaho, ngauri Ndi ene Ipfi li daho kha vhaporofita. Ngauralo hu fanela u vha Mudzimu, nga ndila i fanaho, ngauralo, ni a vhona, U divha tsiko ya mathomo, “u bva mathomoni,” O ri, “u bva mathomoni.” Vho vha vhe vhaporofita vhe Ipfi la da khavho.

¹⁹² Huno O mu itela munna, huno hu si ni munna o itelwa ene. Naa no zwi divha izwo, zwauri, “Musadzi o itelwa munna, huno hu si ni munna o itelwa musadzi”? Naa ndi vhangana vha no divha izwo? [Tshivhidzo tshi ri, “Amene.”—Mudz.] Bivhili i funza zwezwo. Zwo luga. O ɻewa fhethu kha munna, hu sa athu wiwa, vha tshi eðana kha tsiko yoþhe. Fhedzi “nga murahu” ha u wa, zwino hafha ri ðisa thoho. Fhedzi “nga murahu” ha u wa, o vha muvhusi wawe, u fanela u fhumula kha mafhungo oþhe, zwino nga murahu ha musi mathomoni a mathomo o no fhira.

¹⁹³ Yesu o ri, “Zwo vha zwi songo ralo u bva mathomoni.” Izwo ndi musi tshifhinga tsho no thoma, musi Mudzimu a tshi tshi ita tsha u thoma nga tsiko Yawe ya mathomo. Vhoþhe vha no pfectesa, nga vha ri “amene” hafhu. [Tshivhidzo tshi ri, “Amene.”—Mudz.] Mathomoni Mudzimu o sika wa tshinnani muthihi na wa tshisadzini muthihi fhedzi. Fhedzi zwenezwo musadzi a itwa lwo fhambanaho na dziphukha, dzinwe phukha dzoþhe, u itela u fhura. Zwino sedzesani zwino, “Zwo vha zwi songo ralo u bva mathomoni.” O itwa, arali o vha o dzula kha nyimele ya mathomo, o vha a tshi do vha a songo wa na kathihi. Fhedzi o vhanga u wa na u thithisa he ha kwasha u bvela phanda hu si na tshanduko hoþhe ha Mudzimu, huno ha posela lufu, vhutungu, na tshinwe na tshinwe-vho, kha lifhasi. O itwa nga u ralo.

¹⁹⁴ Zwino dzhielani nzhele zwino “nga murahu” ha mathomoni, nga murahu ha mathomoni, nga murahu ha musi tshifhinga tsho no thoma; murahu kha itsho ho vha hu na Vhutshilo-tshoþhe, tsho fhira. Dzhielani nzhele, nga murahu ha u wa uho ho itwaho nga Efa, nga murahu ha u wa, ho vha na thodea ya u itwa ha muñwe mulanga. Zwino heli li khou yo ni khukhula, fhedzi ndi khou yo ni ɻea Luñwalo u sumbedza uri heli ndi Ngoho. Zwino dzhielani nzhele nga murahu ha u wa, Yesu o ri... Mudzimu, ngei mathomoni, o ita tshithihi tsha lushaka; fhedzi zwino, nga murahu ha u wa, zwino ri khou yo fhira hezwo. Mulanga wo vha u tshi eðana; fhedzi zwino, nga murahu ha u wa, hu na muñwe mulanga wo itwaho. Zwino ene o vha a si tsha vha muvhusi nae, muñwe na muñwe u fanela u vha na mulanga wo fhambanyiswaho.

¹⁹⁵ Zwino kha ri vhone arali izwo zwi zwone. Kha ri dzhie Genesi 3, huno ri wanuluse arali izwi zwi zwone, zwino musi ri tshi bvela phanda, ngauri ri todou vha na vhutanzi ha hezwi zwithu, zwi a funzwa nahone zwa bviselwa nnnda zwi ngoho kokotolo. Uri khamusi henehafha ri na tshifhinga tshiþuku, ngauri a riho kulesa na magumo zwino, u ya kha tshipida tsha u vala tsha thoho, u sumbedza uri *ndi ngani* na uri *mini-ha* nga ha dzithalano, na zwiñwe-vho. Zwino kha Genesi ndima ya 3, huno ri do thoma zwino nga ya 3, na ndimana ya 16. Kha ri thome kha ndimana ya 14.

Huno MURENA... a ri kha nowa, (zwino U khou yo i sema), Ngauri iwe wo—wo ita hetshi, iwe wo señwa u

fhira dzone kholomo dzōthe, . . . u fhira phukha iñwe na iñwe ya tsimuni; huno u ño kokovha nga thumbu yau, huno u ño la buse maðuvha ōthe a vhutshilo hau:

Huno Ndi ño vhea vhuswina vhukati ha iwe na musadzi, na vhukati ha mbeu yau na mbeu ya musadzi; huno i ño khurula ñhoho yau, huno iwe u ño khurula tshirethe tshawe. (Pfulufhedziso, “i tshi ña nga musadzi,” Mesia, u rengulula.)

Kha musadzi a ri, . . .

- ¹⁹⁶ Zwino sedzani, zwino hu na mulanga na ñowa. Zwine, vhothe vho vha vho luga phanða, ngei mathomoni, kana phanða ha mathomoni.

Kha musadzi a ri, Ndi ño anza mathupho au nga maanda na u dihwala hau; huno u ño beba vhana nga vhuñtungu; huno tshiñuvho tshau tshi ño vha kha munna wau, huno u ño u vhusa, vho vha vha si tsha edana vhothe na luthihi.

- ¹⁹⁷ Zwino o no rembuluwa, huno ndi muvhusi.

Huno kha Adamu a ri, Ngauri wo thetshelesa ipfi ña mufumakadzi wau, huno wa ña muri, we Nda u ñaya, nda ri, U songo ña . . . wone: mavu nga a señwe (hu si Adamu o señwa, zwino) mavu nga a señwe nga mulandu wau; u ño ña zwao nga vhuñtungu maðuvha ōthe a vhutshilo hau;

Mipfa . . . na mitshetshete a ño u medzela; huno u ño ña zwimela zwa tsimuni;

Huno u ño ña tshinnkwa nga biko ña tshifhañtuwo tshau, u swika u tshi vhuyeleta kha mavu; ngauri khao, khao wo bviswa: ngauri iwe u buse, huno u ño vhuyeleta buseni.

- ¹⁹⁸ Milanga mivhili. Zwino iyo i vala “mathomoni,” a zwe Yesu a amba, “Zwo vha zwi songo ralo ngei mathomoni.” Ri na muñwe mulanga zwino. Dzhielani nzhele, ndi muñwe mulanga. Zwino hu na mulanga wa tshibveledzwa, na tshiñulungwa. Dzhielani nzhele, u wa ho disa khakhathi, lufu, kha tshivhumbwa tshiñwe na tshiñwe tsha tsiko, hu tshi ita phambano kha mupo wothe. Zwino kha ri dzhièle nzhele zwe Yesu a amba nga ha, “u bva mathomoni zwe vha zwi songo ralo.” Zwino a zwe ngo ralo “u bva,” zwino ndi “nga murahu” ha mathomoni. Zwino hu na mulanga wa kavhili.

- ¹⁹⁹ U thomani ho vha hu tshi tou vha mulanga, Adamu na Efa vho vha vha tshi edana, munna muthihi na musadzi muthihi. Zwino musadzi o tshinya, huno (naa u itani?) izwo vhothe zwe vha posela lufuni, huno Mudzimu o do tea u ita mulanga nga hezwo, muñwe mulanga. Ngoyu henehafha kha Genesi 3:16, O ita muñwe mulanga.

²⁰⁰ Zwino shango li fanelu u dovha la vha na vhathu, hu si nga tsiko ya mathomo ya Mudzimu, vhunga mathomoni, hu si nga tsiko ya mathomo, fhedzi nga lutamo lwa vhudzekani. Zwino izwo zwi londota “mathomoni,” naa a zwi ralo? Mathomoni ho vha hu na munna muthihi na musadzi muthihi fhedzi, wa tshinnani muthihi na wa tshisadzini muthihi; fhedzi musi o no pfuka uyo mutalo huno a disa tshivhi itshi, zwino shango li fanelu u dovha la vha na vhathu, nga vhudzekani, hu si nga tsiko; nga vhudzekani. Ni a vhona hune musadzi a vha hone, zwino? Fhedzi iyo ndi ndila ine shango la vha na vhathu namusi, nga vhasadzi.

²⁰¹ Izwo ndi ngazwo Yesu o do tea u da nga musadzi, u li vhuyedzedza murahu mathomoni a mathomo alo hafhu, nga nn̄da ha lutamo lwa vhudzekani. O bebwa nga musidzana. Fhedzi, haleluya, hu do da tshifhinga hune ha si tsha do vha vhudzekani, fhedzi Mudzimu u do vhidza vhana Vhawe vha bvaho buseni la lifhasi, murahu vhunga zwe vha vha zwone kha mathomo, hu si nga muñwe musadzi-vho; fhedzi nga u vhumba vumba na zwedza zwa lifhasi lothe, na petroliamu, U do dovha a sika vhunga O ita Adamu tshifhingani tsha u thoma. Yesu o ita uri izwi zwi konadzee, nga Mudzimu a tshi Diita Muthu huno a da shangoni uri A kone u fa, nga kha uyu musadzi. Zwino ndi tshifhinga tsha u linga, nga tshivhi.

²⁰² Zwino ni a vhona-ha, “nga murahu” ha mathomoni, ho vha na tshinwe tshithu-vho tshe tsha dzheniswa. Zwino izwi zwi khou yo ni tshenuso. Naa no neta? [Tshivhidzo tshi ri, “Hai.”—Mudz.] Itonu dzula ni tokomelwe lwa tshifhinga tshilapfunyana.

²⁰³ Zwenezwo musi mulanga wa kavhili u tshi itwa nga munna na musadzi, nga vhudzekani, muñwe mulanga tshothe (hu si mulanga wa mathomo, fhedzi muñwe mulanga), zwino ho dzheniswani? Vhumalavhasadzivhanzhi, kha zwothe. Zwenezwo, nga murahu ha mathomoni, vhumalavhasadzivhanzhi ho dzheniswa kha muthu na dziphukha; nga murahu ha mathomoni, u wa. Mudzimu zwino, lwa vhuvhili, u tea mupo muswa hafhu, nga vhudzekani. Mudzimu o sika wa u thoma hu si na vhudzekani. Naa izwo ni a zwi tenda? [Tshivhidzo tshi ri, “Amene.”—Mudz.] Zwino ndi muñwe mulanga na mupo, U u tea kha inwe nzudzanyo, nga vhudzekani. Mulanga wa vhuvhili: wa tshinnani muthihi, vha tshisadzini vhanzhi; nyala nthihi ya nduna, sambi lothe la nyala dza dzitsadzi. Naa izwo ndi zwone? Phulu nthihi, sambi lothe la kholomo, dzithole; mukuku muthihi, dzharaña yo dalaho dziphambo. Naa ndi zwone? Dafita muthihi, ane mbilu Yawe Ene muñe ya mu takalela, e na vhafumakadzi vha madana mañanu; na vhana vha ñana vha bebelwaho ene, nga ñwaha muthihi, vha vhasadzi vho fhambanaho, munna ane mbilu ya Mudzimu Ene muñe ya mu takalela. Salomo muthihi, e na vhafumakadzi vha tshigidi. Fhedzi dzhielani

nzhele zwino, two vha zwi songo ralo ngei mathomoni, fhedzi zwino ndi “nga murahu” ha mathomoni. Musadzi o ita hezwi, zwenezwo u tou vha zwine a vha zwone zwino. Ni a vhona?

²⁰⁴ Dafita, khosi ye ya imela Kristo! Izwo zwi fareni thalukanyoni yanu. Dafita o imela Kristo. Naa izwo ni a zwi tenda? [Tshivhidzo tshi ri, “Amene.”—Mudz.] Kristo o dzula, u khou yo dzula kha khuluṇoni yawe. Huno Dafita uyu, munna ane mbilu ya Mudzimu Ene muṇe ya mu takalela, o vha e na vhafumakadzi vha madana maṭanu. Ni a vhona uri ndi khou ambani? Dafita na vhafumakadzi vhawe vha madana maṭanu, Salomo na tshigidi tshawe. Huno Salomo ndi murwa wa Dafita, nga lwa mupo; ane a imela Yesu Kristo, Murwa wa Dafita, nga lwa myua. Fhedzi uvho ndi ha mupo, vhutshilo ha vhudzekani. Uvhу vhu khou yo vha ha myua, ho sikiwa. Mulandu? Ho sikiwa. Ni a vhona, iyo ndi ndila ye zwa vha zwi ngayo ngei mathomoni, fhedzi hu si zwino kha vhuno vhutshilo vhune ra tshila khaho zwino.

²⁰⁵ Dzhielani nzhele, ni songo kundelwa nga hezwi zwino, zwi džheniseni zwethe mbiluni džaṇu. Fhedzi a hu na na muthihi wa avho vhasadzi we a vhuya a kona u vha na munna a no fhira muthihi. Wa munna ndi tsiko ya mathomo, hu si ni ene. A hu na na muthihi wa avho vhasadzi we a kona u vha na muṇwe munna, fhedzi uyo munna muthihi o kona u vha na vhafumakadzi vha tshigidi. Ilo ndi U RALO MURENA. Iyo ndi Bivhili. Zwino ndo no humela murahu, nda dzhia tshifhinga tshanga huno nda ni sumbedza ngei murahu he zwa thoma hone, zwe Yesu a amba. Zwino ni a zwi vhona zwi khagala? Vho kona u vha na vhanzhi...

²⁰⁶ “Oo,” inwi ni ri, “izwo two vha zwi zwa Israele fhedzi.” Ndi zwone?

²⁰⁷ Musi Abrahamu o dzhia Sarah a ya nae ngei shangoni ja Vhafilista, ho vha hu na khosi henengei i no pfi Abimeleke. Huno Sarah o vha e na miṇwaha ya ḫana, heneffo khayo, fhedzi o vha o no shandukiselwa murahu kha u vha musadzi muswa nahone o no itwa o nakaho. Naa izwo ni a zwi ḫivha? [Tshivhidzo tshi ri, “Amene.”—Mudz.] Zwo luga. Huno Abimeleke o ḫoda uri a vhe mufumakadzi wawe. Ni a elelwa Mulaedza wanga nga hazwo? Abimeleke o ḫoda u dzhia Sarah uri a vhe mufumakadzi wawe. Hu na khonadzeo ya uri o vha e na sambi, fhedzi ho ngo kona u mu dzhia arali o vha o malwa nga Abrahamu. Ngauralo Abrahamu a ri kha Sarah, “Ambani uri inwi ni, ‘khaladzi anga,’ ngauri u do mmbulaha uri a kone u ni wana.” Ndi ngani a songo tou pandela Abrahamu shangoni, huno a dzhia mufumakadzi wawe huno a bvela phanda? Mulayo wo vha u si kha vhatendi fhedzi, fhedzi kha vhathu vhoṭhe kha tsiko. Muitazwivhi kana mukhethwa, ni na vhudifhinduleli, muthu, kha idzi nyito. Ho vha hu na khosi ya

muhedeni. Naa ndi vhangana vha no ḋivha uri iyo nganea ndi ngoho? [“Amene.”] Ndi Bivhili, Genesi, i nga vhaho ndima ya 16, ndi a elekanya.

²⁰⁸ Inwi ni dzhiela nzhele, Abimeleke o vha a tshi do vha o mu dzhia a vha mufumakadzi wawe. O ḋilugisa uri a wane yuu musidzana muswa wa Muheberu. Huno a ri, “Uyu ndi wanga . . .” A ri, “Uyo ndi khaladzi anga.”

A ri, “Uyo ndi khaladzi anga.”

²⁰⁹ Huno Abimeleke a ri, “Ndi do tou mu dzhia-ha uri a vhe mufumakadzi wanga.” Naa ni nga humbulela munna a tshi ita tshithu tsho raloh? Fhedzi o tshi ita.

²¹⁰ Huno zwenezwo uvho vhusiku, musi o ya u eđela, Murena a bvelela khae muloroni, huno a ri, “Abimeleke, u tou fana na munna o faho.” O vha a tshi khou tsireledza ulwo, ulwo ludambwana lwa malofha a Vhuyuda henefho, ni a vhona. A ri, “U tou fana na munna o faho. U na mufumakadzi wa muñwe munna ane wa khou ḋilugisela u mu mala.”

²¹¹ A ri, “Murena, wo ḋivha u fulufhedzea ha mbilu yanga.” Ha pfi, “Naa ho ngo mmbudza uri uyo ndi ‘khaladzi’ awe? Naa ene muñe ho ngo ri, ‘Uyo ndi khaladzi anga?’”

²¹² A ri, “Ndi ḋivha u fulufhedzea ha mbilu yau, izwo ndi ngazwo Ndo vha ndi si nga u tendeli u Nkhakhela.” Naa izwo ndi zwone? Ha pfi, “Vhuyedzedza mufumakadzi wawe, ngauri uyo munna ndi muporofita Wanga. Huno nnđani ha musi u tshi mu humisela mufumakadzi wawe . . . Huno wa mu tendela u u rabelela, hu si tshifhe wau. Arali a sa u rabeleli, lushaka lwa hau lwoñhe lwo lovha.” Amene. Ngetsho tshilidzi tshi akhamadzaho. Ndi zwone. “Lushaka lwa hau lwoñhe lwo lovha. Uyo ndi mufumakadzi wa uyo munna, huno ndi muporofita Wanga.” Amene. Ilo ndi U RALO MURENA. Ulwo ndi Luñwalo. Ndi zwone.

²¹³ Zwino ri a wanulusa, lufu lwo vhangiwa. Lufu ndi tshivhangiwa tsha tshivhi tsha musadzi, lu ña nga musadzi huno hu si nga munna. Nga ndila yawe ya u tshila vhutshilo hawe, na nga ene, lufu lwoñhe lu a ña. Ndila yawe ya u nea vhutshilo ndi lufu. Naa ndi vhangana vha no zwi ḋivha izwo? Yobo 14, arali ni tshi ḫodou ñwala Luñwalo.

²¹⁴ Ndi na, arali izwi ni sa zwi fulufheli, ndi na Mañwalo o ñwalwaho a tshipida tshiñwe na tshiñwe tsha hezwi.

²¹⁵ Arali ni tshi ḫodou vhala Yobo 14 henefho, I ri, “Muthu o bebwaho nga musadzi ndi wa mađuvha a si gathi, nahone o dalelwa nga khakhathi.” Naa izwo ndi zwone? “U ña vhunga ðzuvha, u a remiwa, huno a puta,” na zwiñwe-vho. Ni a vhona? Muthu muñwe na muñwe o bebwaho nga musadzi, u bebelwa lufuni zwenezwo a tshi tou ña.

²¹⁶ Fhedzi musi a tshi bebelwa tsikoni ya Mudzimu, a nga si kone u fa; u bva kha uyo muñwe Muri we wa vha u ngadeni ya Edeni, Kristo. Vhutshilo Vhu Sa Fheli vhu ña nga Muri.

²¹⁷ “Oo,” inwi ni ri, “o vha e muri?” Ngoho. “Zwo ralo, vha ri, ‘U songo la zwa uyu muri.’ Mudzimu o amba, kha Genesi hangei murahu, ‘U songo la zwa uyu muri.’”

²¹⁸ Mulandu, musadzi ndi muri. Ndi muri wa mitshelo. Inwi ni mutshelo wa mme aq̄u. Mutshelo wa mbumbelo ndi inwi. Izwo ndi zwone. Huno zwenezwo mutshelo wa Muri wa Vhutshilo, we wa vha u ngadeni ya Edeni, ndi Kristo. Nga musadzi hu da lufu; nga Munna, kha tsiko ya mathomo, hu da Vhutshilo. U bebwa nga musadzi ndi lufu; u bebwa nga Kristo ndi Vhutshilo. Naa ni a pfectesa? Afho ndi hone. Zwino ni a vhona he vhadzimukadzi vha ya hone, a ni ralo?

²¹⁹ Adamu na Efa vha u thoma vho fanyisa Adamu na Efa vha vhuvhili, ni a vhona, muandiso. Zwino muandiso wa Adamu na Efa wo vha u nga vhudzekani, u dadza liphasi, fhedzi two vha zwi songo ralo ngei mathomoni. Mudzimu o tou ita wa tshinnani na wa tshisadzini, vhunga O ita zwiñwe zwivhumbwa Zwawe, ni a vhona, nga mulayo, u tou fana na Tshivhidzo.

²²⁰ Zwino kha ri, nga u vhona aya Mafhungo-ngoho a Mudzimu o khwathisedzwaho, fhende u ya phandanyana, arali ni tshi ḥoda u ralo. [Tshivhidzo tshi ri, “Amene.”—Mudz.] Zwo luga. Zwino izwi zwi nga di vharesa zwiñkunyana u swika ri tshi swika fhasi hazwo, fhedzi ndi khou yo ni sumbedza fhedzi Ngoho yazwo.

²²¹ A hu na mushumeli ane a nga mala tshilikadzi. Naa izwo no zwi ḥivha? Ni ḥodou zwi vhala izwo? Zwo luga, ni dzhena kha Vhalevi, Levitiko 21:7 na Hesekiele 44:22, huno Li do ni sumbedza uri vhutshifhe ho vha vhu sa tei u mala musadzi o kwamiwaho nga munna. Itshi tshifanyiso ndi tsha Muselwa a re musidzana wa Yesu Kristo, ngauri vho fara Mulilo wa Mudzimu, vhotshifhe vho ralo, vharwa vha Aroni. A ri na tshifhinga tsha u Li vhala lothe, huno ra bva nga masiari, ri kha di vha na miniti ya fumbili. Huno avho ndi vharwa vha Aroni vhe vha fara mu—mu—Mulilo wa Mudzimu, ngauralo vho kundelwa u mala musadzi o no kwamiwaho nga muiñwe munna. Mudzimu a sa shanduki o amba nga u ralo. Vho kundelwa u mala muiñwe musadzi, nahone musadzi o kwamiwaho nga munna, zwi tshi sumbedza nga tshifanyiso hafha, arali ni tshi ḥodou zwi vhona, uri Tshivhidzo tsha Mudzimu a tshilaho tshothe-tshothe, ndi Ipfi la Mudzimu, li songo vangwaho, huno a si dinomineisheni yo farwaho nga muthu.

²²² Limuhani, kha ri vhale hezwi hafha. Ndi ḥodou swikisa izwi kha inwi. Mateo 5, Yesu o amba hafha nga ha tshiñwe tshithu tshine zwa vhukuma tsha vha tsha ndeme nga maanda. Ri ḥodou tshi vhona, Mateo 5. Ndo nwala kha yanga . . .

²²³ Ndo swaya zwiñwe zwa zwithu zwe nda vha ndi tshi khou yo zwi amba fhedzi kha munna, ngauralo ndo vha na tshifhinga tshiñku tsha u zwi amba phanda ha khaladzi dzashu fhedzi. Fhedzi ndi ḥoda u—u bva hafha zwino hu sa athu . . .

²²⁴ Zwino, khaladzi, ndi todou ni vhea fhethu he Ipfi la Mudzimu la ni fulufhedzisa, huno na vhona-ha uri ni dzula afho fhethu, na inwi-vho.

²²⁵ Mateo 5:32. Ndi ṭoda inwi ni tshi dzhiela nzhele hafha, u tikedza uyu muhumbulo u fanaho wa “muthihi” na “vhanzhi.” Mateo, furaru-...ndi elekanya uri ndi Mateo 5:32, 31 u thoma ngayo.

*Ho no ambiwa, Ane a do ḥala mufumakadzi wawe,
nga a mu ḥee ḥiñwalo la ḥthalano:*

²²⁶ Uyo ndi Yesu a no khou amba, Onoyo we a ri, “u bva mathomoni.” Zwino sedzesani.

*Fhedzi Ndi ri kha inwi, Ane a do ḥala mufumakadzi
wawe, nndani...ha vhupombwe, u mu ita uri a ite
vhupombwe;...(ni a vhona), ane a do ḥala musadzi
wawe, nndani...ha vhupombwe, u mu ita uri a ite
vhupombwe: (mulandu? u do mala hafhu) huno ane a
mala o ḥaliwaho u ita vhupombwe.*

²²⁷ Ni a vhona, u na munna a tshilaho, ngauralo a hu na munna ane a nga mu mala. A thi londi zwine a ita na uri ndi nnyi, u na munna a tshilaho, ha na thendelo na luthihi. Fhedzi, a si zwa, wa munna. “U itisa wa musadzi,” hu si wa munna. Ni a zwi pfesesa? Ni tea u ita uri Ipfi li bvele phanda hu si na tshanduko. Ni a vhona, a hu na tshi no ri wa munna a nga si kone, fhedzi wa musadzi a nga si kone. Ni a vhona, “u itisa wa musadzi,” hu si wa munna. Izwo ndi zwone kokotolo zwine Bivhili ya amba, “u itisa wa musadzi.” A zwo ngo ambiwa uri wa munna a nga si dovhe a mala, fhedzi “wa musadzi.” Mulandu? Kristo kha tshifanyiso.

²²⁸ Dzhielani nzhele, zwo ambiwa uri a nga si dovhe a mala, nga nnda ha musidzana fhedzi. A nga kona u dovha a mala. A nga kona, a nga dovha a mala arali hu musidzana, fhedzi a nga si kone u mala mufumakadzi wa muñwe muthu-vho. Ngoho hai. Huno arali a mala musadzi o ḥaliwaho, u khou tshila vhupombweni, a thi londi uri ndi nnyi. Bivhili yo ri, “Ane a mala o ḥaliwaho, u tshila vhupombweni.” Khezwo, hu si vho ḥaliwaho.

²²⁹ Ni a vhona ayo mathomo ngei murahu, “u bva mathomoni,” zwino? U dovha u mala, zwino dzhielani nzhele, wa munna a nga kona, fhedzi wa musadzi a nga si kone. Vhunga Dafita, vhunga Salomo, vhunga u bvela phanda hu si na tshanduko ha Bivhili yothe, zwino, u fana na Dafita na avho vhañwe.

²³⁰ Zwino ni dzhiela nzhele kha Vhakorinta Ya U Thoma 7:10, dzhielani nzhele, Paulo u laya mufumakadzi uyo o, uyo a ḥalaho munna wawe, u dzula a songo malwa kana a pfumedzana, hu si u dovha a mala. U fanela u dzula a songo malwa, kana a pfumedzana na munna wawe. A nga si kone u mala. U fanela u dzula a songo malwa, fhedzi, dzhielani

nzhele, na kathihi ho ngo amba nga ha munna. Ni a vhona, ni nga si kone u ita uri Ipfi li zwifhe. “U bva mathomoni,” mulayo wa vhudzekani nga vhumalavhasadzivhanzhi. Zwino, Ipfi la Mudzimu li a tshimbilelana na mupo wa Mudzimu, li tshimbila la bvela phanda hu si na tshanduko.

²³¹ Ni a vhona ndila ye tshiñwe tshikolo tsha ya vhubvađuvha, huno tshiñwe tsha ya vhukovhela, nga hayo? Ni tea u vhuyeleta kha Ngoho, u wanulusa zwine ya vha zwone.

²³² Zwo vha nga iyo ndila tshifhinga tshothe, uyo ndi mulanga wa misi yothe na Mudzimu u bva mathomoni. *U thomani*, hu sa athu vha na mathomoni, u bva mathomoni ho vha hu muthihi na muthihi fhedzi. *Nga murahu* ha musi tshivhi tsho no dzhena, zwenezwo ha vha na munna muthihi na tshigwada tsha vhasadzi; zwi tshimbila nga iyo ndila kha mupo, phukha inwe na inwe, huno vhatu na qama ya mupo ndi phukha. Riñe ri zwimama, izwo ri a zwi divha, riñe rothe, ni a vhona, huno zweithe ndi mupo wa Mudzimu u bvelaho phanda hu si na tshanduko.

²³³ Fhedzi zwino ngauri Mapfundo o pfunululwa, Muya wa Ngoho u ri isa kha Ipfi. Izwo zwi talutshedza uri ndi ngani khakho dzothe dzo vha hone kha zwikhathi, ngauri Mapfundo o vha a songo pfunululwa, Iyi yo vha i songo dzumbululwa. Ndi ngoho.

²³⁴ Dzhielani nzhele, inwi, ni nga si kone u ita uri mirunzi i kundelwe. Vhunga ndo ni rerela madekwe nga ha murunzi wo pfukekanyaho fuloro, zwi tea u bva zwavhudi. Naa hu nga vha hani na murunzi wa ndou u no khou pfukekanya fuloro, huno munna mułukułuku, musekene a bva a vha ndou, kana ndou ya vha munna mułuku, musekene?

²³⁵ Zwino arali na zwi dzhiela nzhele nga tshifanyiso tsho fhelelaho.

²³⁶ Zwino, hu na musadzi wa ngoho, musadzi wa ngoho, musidzana, ane a mala munna wawe, huno a tshila, huno ndi tshithu tsho fhałutshedzwaho kha munna. Arali Mudzimu o vha o kona u ńea murwa Wawe tshiñwe tshithu-vho tsha khwine u fhira mufumakadzi, O vha a tshi do vha o mu ńea tshone.

²³⁷ Fhedzi o vhumbelwa u vha nyito ya vhudzekani, huno a hu na inwe phukha yo vhumbwaho nga u ralo. A hu na tshiñwe tshivhumbwa kha liphasi tsho vhumbwaho nga u ralo. Izwo ndi ngazwo ni tshi vhona vhumalavhasadzivhanzhi, nga n̄thani ha hezwo. Izwo ndi zwo vhu dzenisaho.

²³⁸ Zwino sedzani, nga murahu ha u sedzulusa zweithe, sedzani, hu na Yesu Kristo muthihi (naa izwo ndi zwone?), Munna muthihi, Mudzimu, Imanuele. Naa izwo ni a zwi tenda? [Tshivhidzo tshi ri, “Amene.”—Mudz.] Fhedzi mirado ya Mufumakadzi Wawe ndi minzhi, ni a vhona, zwigidi zwi

tshi andiswa nga zwigidi zwa zwigidi (naa izwo ndi zwone?), Mufumakadzi Wawe, Muselwa, Tshivhidzo. Ni a pfectesa zwino? [Amene.]”

²³⁹ Ndi ngazwo O amba na Adamu, musi vhudzekani vhu sa athu vhuya ha bveledzwa kana ha dzeniswa, “Andani, u dadza liphasi,” musi a tshi kha di vha mathomoni, musi a tshi kha di vha wa tshinnani na wa tshisadzini vhuvhili hazwo kha ene mune. Henehfo, zwi sumbedza-ha uri Muselwa u tea u bva kha Ipfi, nga muandiso wa myua, miandiso, ni a vhona, u dadza liphasi.

²⁴⁰ Zwino kha nyito ya vhudzekani, ni a vhona, zwikolo zwe ita uri izwo zwithu zwivhili zwi vilingane. Ngauralo-ha ni nga si zwi ite, ni fanela u zwi vhuyedzedza kha Ngoho yazwo, “mathomoni.”

²⁴¹ Huno ngei magumoni hu do vha na Murena Yesu muthihi, huno Muselwa Wawe vhanzhi, vhuthihi. Ni a zwi pfectesa? Ho vha hu na Dafita muthihi kha khuluqoni nthihi, khosi nthihi (ine mbilu ya Mudzimu Ene mune ya i takalela) i re na vhafumakadzi vha madana maṭanu. Yesu o dzula kha Khuluqoni Yawe, halementu, kha Nwahagidi, e na Mufumakadzi; vhunga zwe zwa vha zwi zwone ngei mathomoni, o sikwaho a tshi bva kha liphasi, nga tshanda tsha Mudzimu Ramaandothe, kha mvuwo, ya mirado minzhi. Khezwo.

²⁴² Vhasadzi, kakarikani u vha hezwo, dzenanani kha Kristo, zwenezwo a ni nga vhi kha ilo vilinga la tshika ngeyo nn̄da. Fhedzi musi ni tshi kha di tou vha murađo wa tshivhidzo ni tshi khou lingeda u tshila ni na vhudilisi nahone zwavhudzi, inwi mune, na kathihi ni nga si vuledze. Nahone muthu a nga si vuledze nga nn̄da ha Kristo. Vhunga Paulo o bvela phanda nga u ri, “Fhedzi vha kha Kristo, a hu na wa tshinnani kana wa tshisadzini.” Vhothe ndi vhathihhi.

²⁴³ Fhedzi u ita uri iyi *Mbingano Na Thalano* dici bviselwe khagala, uri ni divhe tshe tsha vha tshi tshone na tshe tsha vha tsho khakhea, zwino U sumbedza zwi khagala hafha kha izwi zwifanyiso. Hu na Kristo muthihi; na mirado minzhi ya uyo Mufumakadzi. Dzhielani nzhele, U a kona u ri ḥala nga ḥwambo wa vhupombwe ha myua na pfunzo i si ya ngoho, tshifhinga tshiñwe na tshiñwe A tshi ḥoda u ralo; fhedzi inwi a ni shavhi u lingeda u Mu ḥala, huno na vuledza? Munna u a kona u ḥala mufumakadzi wawe huno a mala muñwe; fhedzi hu si uri musadzi a ḥale munna wawe huno a mala muñwe. Ni a vhona mirunzi yothe na zwifanyiso zwe linganelu nga ndila yo fhelelaho? Vhonani tsiko ya mathomo; hu si tshitulungwa huriñe fhethu na huthihi. Hu si tshivhidzo; Muselwa nga Ipfi. Hu si musadzi; munna, tshifhinga tshiñwe na tshiñwe. Ndi ngazwo i sa ambi tshiñwe tshithu tsha u lwa na munna a tshi zwi ita; tshifhinga tshothe ndi musadzi. Ndi zwone kokotolo.

²⁴⁴ Fhedzi a nga vha Muselwa wa Kristo, nga u vha... Huno elelwani, ene e tshipiда tsha munna, Bivhili yo ri a nga kona fhe-... “Naho zwo ralo a thi tendeli musadzi u funza, kana u dzhia mańwe maandalanga-vho, fhedzi u difhumulela. Ngauri ho vhumbiwa Adamu ū thoma, huno ha mbo da Efa. Huno Adamu ho ngo fhurwa, fhedzi tshitulungwa tsho fhurwa. Naho zwo ralo u do tshidzwa *arali* a tshi isa phanda na vhukhethwa na u vuda, na kha u beba vhana, na zwothe zwo raloho,” ngauri zwenezwo u vha tshipiда tsha uyu munna. Izwo ndi zwine zwa disa...

²⁴⁵ Naa ndi ngani Abrahamu... Naa ndi ngani Mudzimu a songo vhulaha Sarah o dzula henehafho, a tshi khou hanedza, nahone a tshi khou zwifha phanda ha tshifhatuwo tsha Mudzimu? O dzula henefho sa Munna a faho, a tshi khou ja nama, a tshi khou ja tshinnkwa, a tshi khou nwa mafhi, huno A ri, “Naa ndi ngani Sarah o sea henefho murahu,” murahu Hawe, denndeni, Ha athu mu vhona na kathihi, “a tshi khou amba hezwi, ‘Naa izwi zwithu zwi nga vha hani?’”

²⁴⁶ A ri, “Na kathihi a tho ngo zwi amba!” Uh-oh, nnenne, u vhudza Mudzimu uri Ndi muzwifhi, phanda ha tshifhatuwo Tshawe? Fhedzi Ho ngo kona u mu dzhia. Mulandu? Ndi tshipiда tsha Abrahamu. Amene. O kundelwa u mu vhaisa nnandi ha u vhaisa Abrahamu.

²⁴⁷ Zwino vhoiñwi vhasadzi vhonani uri ni vha ngafhi. Huno Bivhili yo ri, “Vhoiñwi vhasadzi ivhani vhunga zve Sarah a vha e zwone, we a dijama nga zwiambaro zwi thonifheaho, a tshila nga u fhulufhedzea na nga ngoho kha munna wawe ene muñe, a tshi mu funa nga maanda lwe (ene) a mu vhidza ‘murena,’” muvhusi, vhuñe.

²⁴⁸ Huno inwi, vhańwe vha vhasadzi, ni ambara izwi zwiambaro zwi nengisaho huno na bva hafha uri ni diposele phanda ha munna. Yesu o ri, “Ane a lavhelesa musadzi uri a mu emule o no di ita vhupombwe nae mbiluni yawe.” Zwenezwo ndi nnyi a re na mulandu, munna kana inwi? Ene ndi wa tshinnani, o itwa uri a kone u dzhia iyi nyito, ni a vhona; huno inwi ni wa tthisadzini, a no tea u hana.

²⁴⁹ Huno ndi ngani ni tshi dijana nnnda nga u ralo? A si u itela vhudigedi, ni a divha uri zwi nga si vhe zwone, musi no xwatudzwa lwa hafu u isa lufuni no ambara idzo shothi. Ni a vhona, hu nga si vhe u itela vhudigedi. Zwenezwo ndi mini? Ndi u itela tshika! Inwi a ni nga do zwi tenda, fhedzi ndi Bivhili i no amba nga u ralo. Ndi Ngoho. Ndi muya wa tshika u re kha inwi. Inwi a ni todii u vha o tshikafhalaho; fhedzi a ni limuhi, nga lwa muya no tshikafhalaho, ngauri ni khou divhonadza sa o tshikafhalaho.

²⁵⁰ Zwino, munna, magona awe a kale, o tshikafhalaho, a re na dziphopho, huno arali a songo ambara zwiambaro na luthihi,

zwo vha zwi si nga iti phambano, muvhili wawe a u lingi. Mulandu? O vha e kha tsiko ya mathomo, mvumbo; u tea u vha, ni a vhona. Fhedzi, inwi ni tshiṭulungwa, u linga ngatsho.

²⁵¹ Mudzimu, khathutshela! Yawee, nñenñe, ili shango la zwivhi! Ndi do takala musi zwo no fhela.

²⁵² Dzhielani nzhele, A nga ṭala mufumakadzi Wawe tshifhinga tshiňwe na tshiňwe A tshi funa, fhedzi ene a nga si Mu ṭale; A nga nnyita, A nga mposela buseni tshifhinga tshiňwe na tshiňwe-vho tshire A funa, fhedzi, oo, mukomana, ndi khwine ndi sa lingedzi u Mu posela heneffo na kathihi, ndo lovha.

²⁵³ Salomo o kona u mala musadzi muňwe na muňwe-vho we a vha a songo malwa, o kona u mala musadzi muňwe na muňwe-vho we a ḥoda. Tshifhe o kona u mala musadzi we a vha e musidzana fhedzi. Salomo...

²⁵⁴ Vhunga Dafita, o mala (naa dzina ḥawe lo vha li lifhio?) Abigaili. Zwine, ho vha hu na munna a no vhidzwā “tsilu,” o vha e na mufumakadzi wavhuđi, huno a fa. Huno Abigaili a malwa nga Dafita; o vha e khosi, hu si tshifhe, ni a vhona, ngauralo a—a mala.

²⁵⁵ Fhedzi tshifhe o kundelwa u ita hezwo, ngauri o vha o no kwama kana o wana musadzi uri a vhe mufumakadzi wawe we a vha o no di vha mufumakadzi wa muňwe munna. Ngauralo izwo zwi sumba vhusidzana ha Tshivhidzo tsha Murena Yesu Kristo, Muselwa u do tea u vha li songo vangwaho, Ipfi, hu si na na Ipfi na lithihi li siho huňwe fhethu na huthihi. Zwa vhukuma. Naa ni nga humbulela muselwa wa ngoho, khana nthihi i siho, huno, iňwe, tshiňwe tshithu tshiňwe-vho tsho khakhea, ni a ḫivha? Uyo ha khou yo vha Muselwa wa Kristo. O fhelela. U tshiňwe na tshiňwe Ipfi, hu si Ipfi lithihi li no kundelwa huňwe fhethu. Hai.

²⁵⁶ Dzhielani nzhele, A nga mu ṭala, fhedzi ene a nga si kone u Mu ṭala. O zwi ita, o zwi sumbedza, mađuvhani a musi Luther, Wesley, na Pentekoste, musi vho hana u vha tshiňwe tshipida Tshawe nga u vha na vhudzekani ha maya uri vha dihwale nga tshiňwe tshipida tsha Ipfi. Ni a pfesesa? O hana. Tshivhidzo tsha Luther tsho hanela Kristo u vha na luňwe lutamo-vho natsho; Luther o zwi hana. Huno kha ndi ambe ḥej, ni khou yo mmbidza tshiňwe tshithu naho zwo ralo; zwo ralo na namusi kha muňwe na muňwe wavho, vha kundelwa u dzhia ilo Ipfi, vha hana Kristo!

²⁵⁷ Huno musadzi muňwe na muňwe-vho a no hana ḥwana wa munna wawe, ha na pfanelo ya u vha mufumakadzi wawe. Amene. Ni a elelwa, Bivhilini, musi khosi yo mala Esitere? Ngauri khosikadzi yo hana, yo tou ḫiwanelo muňwe. Huno musi... Naa ho bvelelani musi o hana u bva na khosi huno a i thetshelesa? Ndi zwenezwo zwithihi na musadzi a no hana u vha mufumakadzi wa munna wawe.

²⁵⁸ Huno zwe ralo na kha tshivhidzo tshi no hana u dihwala kha tshikhathi tshine zwino ra tshila khatsho, u bveledza vhana vha tshino tshikhathi. Riñe a ri Vhalutere, a ri Vhawisili, nahone a ri Vhapentekostala! Ri tea u vha vhana vha tshino tshikhathi, nga u dihwala ha Ipfi la Mudzimu, u bveledza Nwana wa tshino tshikhathi, Nwana wa Mbeu. Amene. Ndi a fhulufhela uri ni a pfectesa. Tsho kundelwa u dihwala, hai, ngauralo naa O itani? O tshi ṭala, nga thalano. Izwo ndi zwone. Fhedzi tshone tshi songo lingedza u Mu ṭala. O tshi ṭala.

²⁵⁹ O bvela phanda na u dzumbulula Ipfi Lawe kha Muvhili, na u Mu khwaθisedza, u fana, nga Ene muñe. Vhana Vhawe vha thoma u nga Ene lwo engedzeaho, ngauri U khou aluwa tshothe, kana, vha vha vhana vha Ipfi, hu si vhana vha tshivhidzo. Vhana vha Ipfi! Huno Muselwa u do vha Mufumakadzi muñuku o nakaho wa Ipfi, a songo vangwaho, a songo kwamiwaho nga dzangano la muñwe munna-vho, muñwe muhumbulo-vho wo itwaho nga muthu. U do vha tshothe-tshothe a songo vangwaho, Muselwa wa Ipfi! Amene na amene! Ndi a fhulufhela izwo ni a zwi pfectesa, nn̄da muyani. U do vha nwananyana o dihwalaho wa Mudzimu.

²⁶⁰ Ni a vhona uri musadzi a nga vha khuliso khulwane-de? Ni a vhona uri tshivhidzo tshi nga vha tshithu tshihulwane-de, fhedzi ni a vhona he tshika ya tshi isa hone? Zwenezwo ni tshi lingedza u vhambedza itshe tshivhidzo tshi re ngei nn̄da na Tshivhidzo tshi re fhano, ni nga si kone u zwi ita. Nahone lingedzani u vhambedza phombwe ya tshitaranani na Tshivhidzo tsha Mudzimu a tshilaho; kana musadzi, musadzi ene-ene, na phombwe?

²⁶¹ Ndi ngani hu na zwithu zwe raloho? Ndi mulayo wa Mudzimu, mulayo wa dzimbabedzo. Naa ri do divha hani u diphina nga tshedzari arali ho vha hu si na vhusiku? Naa ri do divha hani u diphina nga mutsho wo omaho arali ho vha hu si na mvula? Naa ro vha ri tshi do divha hani u diphina na u thonifha musadzi vhukuma, arali ho vha hu si na o tshikafhalaho?

²⁶² O bvela phanda na u Li dzumbulula, a tshi dzumbulula Ipfi Lawe, fhedzi muñwe washu-vho a lingedze u Mu ṭala huno a mala muñwe.

²⁶³ Zwino ngangoho zwi khagala uri ndi ngani mihumbulo yothe vhuvhili hayo yo khakhea. Inwi ni nga si ite uri zwi tshimbile nga *heyi* ndila, zwe ṭuwa; inwi ni zwi ita uri zwi tshimbile nga *heyo*, zwi do tshimbila zwa fhira pfulufhedziso. *Hafha* hu na pfulufhedziso, ngetshi tshithu henehafha. Ipfi a li dihanedzi. Li tea u dzula li kha u bvela phanda hu si na tshanduko zwino, na zwiñkuñku Mateo 28:19 a i hanedzi Mishumo 2:38.

²⁶⁴ Zwino, vhañwe vha vhoinwi vhasadzi, vhañwe vha vhoinwi vhanna, ndi—ndi a ñivha uri inwi—inwi a ni tendelani Nalo. Ngauri, ni a ñivha, zwa zwino izwo ni nga si kone u zwi dzumba. Ni nga si kone.

²⁶⁵ Fhedzi edzonu ri ndi ni sumbedze tshiñwe tshithu. Arali Mateo 28:19 yo ri, “Iyani-ha, ni funze tshakha dzoþe, ni tshi vha lovchedza nga Dzina la Khotsi, na la Murwa, na Muya Mukhethwa,” huno vha rembuluwa, huno muthu muñwe na muñwe we a vhuya a lovchedzwa a lovchedzwa nga ndila yo fhambanaho na heyo, a lovchedzwa nga Dzina la Yesu Kristo, ngauri na kha tshikhathi tshoþe tsha Bivhili na kha miñwaha ya maðana mararu nga murahu ha tshikhathi tsha Bivhili, u ya kha Khoro Ya Nicaea. Zwenezwo who mbo tanganedza dzidogima. Naa phambano ndi ifhio, arali li songo dzumbululwa?

²⁶⁶ Huno ni a ñivha uri Bugu yoþe, Bivhili yoþe, ndi nzumbululo? Iyo ndi ndila ine na tea u ñivha ngoho vhukati ha heyi na iñwe, ndi ngauri I nzumbululo. Huno nzumbululo i fanela u vha kokotolo na Ipfi, hu si u fhambana na Ipfi. Inwi ni ri, “Zwo luga, nñe, ndo dzumbululelwa zwone.” Zwenezwo arali zwi tshi fhambana na Ipfi, na kathihi a zwi bvi ha Mudzimu. Izwo ndi zwone.

²⁶⁷ Zwino arali ni tshi ðodou dzhia Mat-... Mateo 16:18. Yesu o amba, Ene muñe, zwauri Tshivhidzo tshoþe, Tshivhidzo Tshawe, tshi ðo fhaþwa kha nzumbululo ya maya ya Ene muñe, ine ya vha Ipfi. “Ndi ri kha iwe, iwe u Petro... Huno nama na malofha a zwo ngo u dzumbululela izwi na kathihi, fhedzi Khotsi Anga a re Taðulu o u dzumbululela izwi. Huno kha heli tombo...”

²⁶⁸ Zwino, ndi a ñivha, khonani dzashu dla Katolika benefho, inwi ni ri, “Tsho fhaþwa kha Petro, nahone Petro wa vhuapostola, ngauralo, Mukenenene, kha thendelo ya vhuapostola, u tevhekana.”

Vhaporotestanti vha ri, “Tsho fhaþwa kha Yesu Kristo.”

²⁶⁹ Hu si u vha o fhambanaho, fhedzi dzhiani zwe A amba! O ri, “Nama na malofha a zwo ngo u dzumbululela hezwi, fhedzi Khotsi Anga a re Taðulu o u dzumbululela hezwi. Huno kha heli tombo” (nzumbululo ya maya ya zwine Ipfi la vha zwone) “Ndi ðo fhaþa Tshivhidzo Tshanga; huno khoro dla vhudzulavhafu a ðzi nga Tshi dzinginyisi tsha wa na kathihi.” Mufumakadzi Wawe ha nga ðo lingiwa nga vhañwe vhanna. “Ndi ðo fhaþa Tshivhidzo Tshanga, huno khoro dla vhudzulavhafu dzi nga si Tshi dzinginyise na kathihi.”

²⁷⁰ Huno Abele na Kaini, ngadeni ya Edeni. Kaini o pendela ene mune, a ri, “Zwino, sedzani, Mudzimu ndi Mudzimu wavhuði. U nga ntha ha mupo wothe, ngauralo ndi ðo wana dzinawa na maðabula, huno ndi ðo wana ma—maluvha, nahone ndi ðo Mu itela alitari ya vhukuma yo nakaho.”

Itsho ndi tshivhidzo. A gwadama fhasi. A tenda Mudzimu. A luvha Mudzimu, a imisa zwanda zwawe, huno a nekedza itshi tshiṭhavhelo. O ita tshiñwe na tshiñwe tshe Abele a ita.

²⁷¹ Abele o fhata aliṭari ya lwonolwo lushaka luthihi. Fhedzi musi Abele o ḫisa tshawe, o ḫisa ngwana. Zwino, Kaini o elekanya uri, a tshi ita tshivhulahamulimo tsha tshivhi, khotsi na mme awe vha fanelu u vha vho la mutshelo, sa zwe vha funzwa ngadeni iyo. Fhedzi Abele, nga nzumbululo yo Khetheaho, o divha uri ho vha hu malofha o zwi itaho. Nga nzumbululo yo Khetheaho! Huno Bivhili yo amba kha Vhaheberu, ndima ya 12, ndima ya 11, zwauri, “Abele, nga lutendo,” (nzumbululo) “o nekedza Mudzimu tshiṭhavhelo tshavhudzi tshi fhiraho tsha Kaini, ngatsho Mudzimu a ḫanziela uri o luga.” Naa izwo ndi zwone? [Tshivhidzo tshi ri, “Amene.”—Mudz.] Amene! Mukomana, khaladzi, zwi tou vha khagala sa tshiñwe tshithu tshi tshi nga vha, kha nñe. Ngetsho tshithu tshoṭhe.

²⁷² Zwino kha *Mbingano Na Thalano*, ni a vhona, zwi tea u dzumbululwa. U swika zwi tshi dzumbululwa, a ni zwi divhi. Fhedzi O fulufhedzisa kha aya maduvha a u fhedzisela, kha tshino tshikhathi, uri tshiphiri tshiñwe na tshiñwe tsho dzumbamaho tshi re Bivhilini tshi do dzumbululwa. Naa ndi vhangana vhane izwo vha zwi divha? Nzumbululo, ndima ya 10! Yesu o zwi fulufhedzisa, zwauri zwiphiri izwi zweño zwo dzumbamaho kha—kha *Mbingano Na Thalano*, zwiphiri izwi zwiñwe zweño zwo dzumbamaho zwo vhaho hone, zwi do dzumbululwa tshifhingani tsha vhufhelo. Zwino ni a elelwa, Ipfi lo ri, “Iya Tucson.” Elelwani Tshedza tshi mangadzaho lutomboni; Muruñwa wa vhusumbe o ima henefhaña; nda vhuya, huno u pfunululwa ha Mapfundo a Sumbe? Sedzesani zwe zwa itea. Izwo ndi ngoho.

²⁷³ Zwino u tou bvela phanda zwiṭukunyana. Fhedzi zwino ipfani, vhoiñwi! Ndi a divha uri tshifhinga tshi khou swika tsha uri ni yo la, fhedzi nñe ndi khou tou la zwavhuđi. [Tshivhidzo tshi ri, “Amene.”—Mudz.]

²⁷⁴ Dzhielani nzhele, zwino, musadzi u na fhethu hawe, huno ndi dzuwele. Salomo, uyu munna we a vha e na vhafumakadzi vha zwigidi zwa fumi...kana o vha e na vhafumakadzi vha tshigidi, kha ndi ralo, o amba zwauri, “Munna o wanaho mufumakadzi, o wana tshithu tshavhuđi.” A ri, “Musadzi wavhuđi ndi dzuwele khareni yawe,” iyo ndi khuliso. “Fhedzi a songo lugaho ndi mađi malofhani awe,” uvho ndi vhatshilo hawe. A ri, “Hu nga di vha na munna muthihi o lugaho a wanalahi kha vha tshigidi,” Salomo o amba hezwi, “fhedzi,” ha pfi, “ni nga si wane musadzi muthihi o lugaho kha vha tshigidi.” Salomo o zwi amba hezwo, ni a vhona. Zwino izwo zwi dzhieleni nzhele, uri zwi hani.

²⁷⁵ Fhedzi, inwi ni a vhona, musadzi, inwi ni—inwi ni dzuwele arali ni tshi ḫodou vha dzuwele, fhedzi lutamo lu tea u vha kha

inwi. Huno ni a vhona uri ndi ngani *Mbingano Na Thalano* two vha two ralo, zwe Yesu a sumba ngei murahu, ho vha hu nga ñwambo wa uri lushaka lwanu two vha tshivhangi tsha tshivivi tshothe. Izwo ndi ngazwo vhumalavhasadzivhanzhi na thalano, na zwithu, two dzheniswa. Ngei mathomoni two vha zwi songo ralo na kathihi, huno a zwi nga vhi nga u ralo kha shango la nga hangei.

²⁷⁶ Sedzani Yakobo, ane khae ha bva vhomakhulukuku. O vha e na vhafumakadzi vha no swika dazen. O mala khaladzi mbili, nahone a vha na vhafarekano nga nda ha avho, vhasadzi vha khasitomo vhe a dzula navho. Huno vhomakhulukuku avho vho bebwa heneffo nga avho vhafarekano. Naa izwo ndi zwone? [Tshivhidzo tshi ri, “Amene.”—Mudz.] Ni a vhona, ni tea u ita Ipfi uri li tshimbile li tshi tou suvha.

²⁷⁷ Oo, ndi na masiaṭari malugana navho. Arali mufunzi a tshi nga vhuya a mmbudzisa malugana nazwo, huno ra kuvhangana, ri nga zwi amba. Fhedzi ngangoho, arali e na u vha wa myua huñwe-vho, a nga kona u vhona henehafha uri ndi Ngoho. A hu na mbudziso Khaļo.

²⁷⁸ Musadzi wavhudzi ndi tshithu tshavhudzi. Izwo ndi a zwi ðivha. Ndi zwi ðivha nga vhasadzi vha vñukuma. Ndo no ðangana na vhasadzi vha vñukuma vha re vha vñukumakuma, vñane vha tou vha vha vñukuma u fana na munna muñwe na muñwe-vho we a vhuya a tshimbila.

²⁷⁹ Ndi ene tshitulungwa na tshipida tshawe, huno kha u wa o mu thetshelesa. O tou... Ndi tshipida tshawe. Fhedzi, zwi khae, o itwa nga ndila ine a nga vha o tshikafhalaho, nahone o newa pfanelo ya u hana kana u ðanganedza. Izwo two fhambana na mupo wa mathomo ngei mathomoni, ni a vhona, fhedzi khezwo.

²⁸⁰ Zwino ndi awara ya fumimbili nthä ha tshithoma, ngauralo ndi do tou pfuka tshiñwe tshithu hafha lwa miniti i si gathi. Ndi ḥodou ni vhudzisa tshiñwe tshithu.

²⁸¹ Zwino, elelwani, ndi amba hezwi kha tshigwada tshanga fhedzi. Huno nda tuyani, ndi khou amba hezwi kha vhatevheli vhanga nñe mune fhedzi. Uyu Mulaedza u ya khavho fhedzi, na zwine nda khou yo amba fhano.

²⁸² Mushumeli muiwe na muñwe-vho, ene, itsho ndi tshawe, iiina, ndi ene mulisa wa sambi, kha ite tshiñwe na tshiñwe tshire a ḥoda. Izwo zwi kha ene na Mudzimu. Tshifhe muñwe na muñwe-vho, mureri muñwe na muñwe-vho, izwo zwi kha inwi, mukomana wanga.

²⁸³ Ndi khou amba fhedzi fhano Jeffersonville, fhetu hu hoñe hune ndi nga amba hezwi hone, ndi ngauri ndi sambi langa nñe mune. Ndi sambi le Muya Mukhethwa wa nñea u pfesesa u vha mulavhelesi waļo, huno U do ita uri ndi vhe na vhudifhinduleli haļo. Huno avha vhatu vhanga vho vha vharembuluwi fhano vha tshi bva shangoni lohe, vhe nda vha isa kha Kristo. Huno,

vhana vhaṭuku, nne ndi fhano u ni thusa, nahone ndi khonani ya vhoinwi. Inwi ni nga di elekanya uri ndi amba ndi tshi lwa na vhoinwi; nne ndi khou amba hezwi, ni a vhona, u ni thakha. Ndi a ni funa. Huno arali izwo zwi songo ralo, Mudzimu ndi Muhaṭuli wanga. Ni a divha uri ndi a ni funa.

²⁸⁴ Itshi ndi tshithu tsho khwaṭhaho lu ofhisaho, a tho ngo divha uri ndi nga tshi bviselā mn̄da hani. Naa ndi do itani, musi ndi na vhanna na vhasadzi vho dzulaho tshivhidzoni tshanga, vhańwe vhavho vho maliwa luvhili kana luraru? Vhanna vhavhuđi na vhasadzi vhavhuđi, vho ḥanganana tshothe! Naa ndi mini tsho zwi itaho? Pfunzo i si ya ngoho, kokotolo, hu si na u lindela Murena.

²⁸⁵ “Zwe Mudzimu a zwi vhofhekanya, hu songo vha na muthu a no zwi fhandekanya.” Hu si zwe muthu a vhofhekanya; zwe “Mudzimu” a vhofhekanya! Musi no wana nzumbululo yo livhaho i bvaho ha Mudzimu, uri uyo ndi mufumakadzi waṇu, nahone tshenetsho tshithu, ndi tshaṇu, vhutshiloni hanu hothe. Ni a vhona? Fhedzi zwine muthu a vhofhekanya, nnyi na nnyi a nga fhandekanya. Fhedzi zwine Mudzimu a vhofhekanya, hu songo vha na muthu a no lingedza u zwi kwama. “Zwińwe na zwińwe zwine Mudzimu a zwi vhofhekanya,” O ri, “hu songo vha na muthu a no zwi fhandekanya.” Hu si zwe muńwe madzhisitiraṭa o kambiwaho lwa hafu kana tshińwe tshithu-vho tsho vhewaho fhethu huthihi, kana muńwe mureri o guneaho a re na dzanda la dzindaela buguni, a no do vha tendela u ita tshińwe na tshińwe-vho shangoni, huno Ipfi la Mudzimu li henehafho. Ni a vhona? Nne ndi khou amba nga ha zwe Mudzimu a zwi vhofhekanya.

²⁸⁶ Zwino ndi khou yo ni vhudza hezwi. Ndi na vhulondi nga maanda kha zwine nda ni vhudza. A thi khou amba u ni halifhela vhoinwi vhathu. A thi khou amba u ni halifhela, vhakomana vhanga vha vhafunzi. A thi khou amba hezwo. Fhedzi ndi na vhudifhindleli, ndi tshi limuha zwauri itshi tsho nekedzelwa zwandani zwanga. Huno arali... a thi komi u Li fara. A thi divhi uri ndi nga Li netshedza hani, huno ndi a divha uri iyi theiphi i do ralo. Yawee, nnenne, ndi do tou dilugisa, nda vula ofisi, ngauri ngeli li a da. Ni a vhona?

²⁸⁷ Sa zwe zwa vha zwi zwone kha *Mbeu Ya Nowa*, fhedzi yo sumbedzwa vhukumakuma uri ndi yone. Ndi na mabammbiri henehafha, a bvaho kha gurannda, hune vhasadzi zwa zwino...nahone na kha—kha mahulwane... Mańwe a madzingu a langwaho nga vhafunzi a na zwifanyiso zwa mathomo, ḥowa i tshi khou swenda mulenzheni wa musadzi, na u tou ri i mu tshimbila hani; u na tshakha dzothe dza lupfiwa na zwithu, tshińwe tshithu tshire munna na kathihi a nga si mu kwame ngatsho, e na iyi ḥowa khulu i tshi khou mu tanda, na zwińwe-vho. Iyo ndi ngoho kokotolo. Huno zwi

khou ḥana na u ḥana, nahone zwi do ḥana. Nowa, ye a vha a si yone, o vha a tshi do vha a songo vha na vhudzekani nae musi e ḥowa, fhedzi elelwani...

²⁸⁸ Ndo vha ndi na khanedzano ḥinwe ḫuvha na...hu si khanedzano, hu tshi tou vha mushumeli na mushumisani wa Khuvhangano dza Mudzimu, ha pfi, "Ni a khakha, kha Hezwo."

Nda ri, "Zwo ralo, khamusi ndi nga di vha. Ndi do ḥoda inwi ni tshi mmbudza."

²⁸⁹ A mbo di amba, a bvela phanḍa huno a thoma u amba nga hazwo. Tsha u thoma ni a ḫivha, ene muṇe a dixedza. Huno tshithu tshithihi tshe a amba, o ri, "Mukomana Branham, naa uyo mufuda u ngafhi? Mudzimu o ri 'tshithihi tsha lushaka lwatsho.' Zwino u ngafhi uyo mufuda we na ri wo vha u vhukati ha muthu na phukha, une saintsyi ya kundelwa u u wana zwino? Naa u ngafhi?" Ha pfi, "Naa u kha ḫifhasi? Naa wo vha u tshimpanzi?"

²⁹⁰ "Hai, ngauri malofha a tshimpanzi a nga si vangane na musadzi, a hu na iñwe phukha ine ya do vangana nae. Hai, i nga si do ralo, nahone kana mbeu ya munna ya vangana na—na tsha tsadzi. I nga si zwi ite."

²⁹¹ "Zwenezwo i ngafhi iyo iñwe phukha? Zwino, Mudzimu o ri, 'Tshiñwe na tshiñwe kha tshi bveledze tsha lushaka lwatsho.'"

²⁹² Nda lindela lwa tshifhinganyana. Huno u ḫifha ha Muya Mukhethwa ha ri, "Mu vhudze, 'I fhano.'"

Zwino, u thomanri ndo ri, "Ndi zwone, i nga di vha yo fa tshothe-tshothe."

A ri, "Fhedzi, Mukomana Branham, izwo, ri khou amba nga ha Ipfi, a ri khou ralo?"

²⁹³ Nda ri, "Ee, muṇe wanga." Huno nda ri, "Vhone, a hu na zwinwe, vha fhima zwauri zwinwe zwithu, u fana na dzidainososo na—na mamoto, na zwinwe-vho, mimamoto, mimamoto, kha ndi ralo, yo fa tshothe-tshothe, na zwinwe-vho." Nda ri, "I nga di vha yo vha yeneyo."

²⁹⁴ A ri, "Mukomana Branham, ri khou amba nga ha vhuzanzi ha Ipfi. Arali tshivhi tshi fhano; zwenezwo, tshivhi tsha mathomo, na tshone tshi tea u vha fhano."

²⁹⁵ Huno nda ri, "Murena Yesu, Iwe wo ri, 'Ni songo vhilaela uri ni do ri mini musi ni tshi da phanḍa ha muthu, ngauri ni do ḥewa nga iyo awara.' Murena, naa ndi do ri mini?" A ri, "Mu vhudze, 'Tshi fhano.'" U tou fana na musi ndi tshi vhona mabono kha pulatifomo.

²⁹⁶ Nda ri, "Tshi fhano," ndi sa ḫivhi uri ngafhi.

A ri, "Ngafhi?"

Huno ndi sa athu vhuya nda elekanya, A ri, "Ndi ḥowa."

²⁹⁷ Izwo ndi zwone kokotolo zwe ya vha i zwone, ngauri a i tsha vha phukha. Yo señwa nahone ya pfi i ḫo kokovha nga

thumbu mađuvha othe a vhutshilo hayo. I fhano. Naa ndi zwone? [Tshivhidzo tshi ri, “Amene.”—Mudz.] Huno nahone kha iyo nyito ye ya ita, hu kha di vha na tshivhi tshenetsho tshithihi tshi no shuma kha musadzi, vhunga mbeu ya munna nga u ralo. Henefho ndi hune a vha na nyimele dza mangai na zwithu, musi e na lupfiwa lu re kule-kule na zwine munna a nga vhuya a ita.

²⁹⁸ Ndi do ima henefho ngauri ri kha gogo lo vanganaho. Ndi do wana vhañwe vhanna, ndi do...ri do amba zwinzhinyana nga hazwo. Ndi na mabammbiri na zwithu zwi re henehafha, henehfa kha tshanda tshanga tsha u la zwa zwino, huno ndo vha ndi tshi khou yo ni disela one matsheloni ano. Ndo vha ndi tshi khou yo dzhia duvha lothe kha hezwi, fhedzi ndi do vala zwino nga u amba hezwi.

²⁹⁹ Izwi zwi ya kha tshivhidzo tshanga fhedzi. Hu si tshivhidzo tshanga... Sambi lītuku li no ntenda nahone la ntevhela, izwi zwi ya khavho.

³⁰⁰ Liñwe duvha, ndi tshi divha uri musi ndi tshi ni vhudza tshiñwe tshithu, tshi fanela u da tshi U RALO MURENA, zwenezwo ndi vha ndi na Maiñwalo sa zwe A nzumbululela zwone. Fhedzi, “Murena Mudzimu, naa ndi nga ambani kha itshe tshivhidzo? Ndi do vha na dziphambano. Munna u do vha o dzula vuranndani na nnnda dzharañani, na huiñe na huiñe-vho, ‘Naa ndi nga mu ṭutshela?’ Vhasadzi, ‘Naa ndi nga ṭutshela munna wanga?’ ‘Naa ndi do itani?’” Nda ri, “Murena, naa ndi nga itani?”

³⁰¹ Tshiñwe tshithu tsha ri kha nñe, “Gonya hangei thavhani, huno Ndi do amba na iwe.”

³⁰² Huno musi ndi ngei ntha thavhani, ndi sa ñivhi uri fhasi Tucson who vha vha tshi khou I vhona. Fhedzi na vhadededzi vho vhidza vhana vha bva...musidzanyana wanga na vhañwe, vha tshi bva lufherani lwa tshikolo, huno vha ri, “Sedzani hangei thavhani! Hu na Gole li no nga khavhu i no nga mulilo li no khou ya ntha tuyani nahone li tshi vhuya fhasi, li tshi khou ya ntha tuyani nahone li tshi vhuya fhasi.”

³⁰³ Vho-Mme Evans, naa vha hone fhano? Ronnie, inwi ni hone fhano? Ndi vhuya nga tshititshini, yuu mutukana muswa e tshititshini tsha pitirolo, tshititshi tsha pitirolo tsha vha Ha-Evans henefho. Huno ndi sa athu ñivha zwe mutukana a vha a tshi khou yo amba, a nnzhia nga milenzhe yanga, a ri, “Mukomana Branham, who vha vhe nñha thavhani hangei, naa vho vha vhe si vhone?”

³⁰⁴ Nda ri, “Naa ni khou ambani, Ronnie? Hai,” ni a vhona, u vhona zwe a vha a tshi khou yo ita. Zwifhinga zwinzhi zwithu zwi a bvelela, a thi, a ni zwi vhudzi vhathu. Zwi vha... Tshi re hone, ni vhona zwinzhi nga maanda zwi no khou bvelela, zwi vha zwa mađuvha othe kha inwi. Ni a vhona? A thi sokou vhudza vhathu. Nda ri, “Ronnie, naa no vha ni...”

³⁰⁵ A ri, "Ndi nga vha sumbedza heneffo he vha vha vhe hone." Ha pfi, "Ndo vhidza mma, huno ra ima hafha huno ra sedza ilo Gole lo nembelelaho hangei, li tshi ya nt̄ha na fhasi. Nda ri, 'Hu tea u vha Mukomana Branham o dzulaho nt̄ha ngomu heneffo huñwe fhethu. Uyo ndi Mudzimu a no khou amba nae.'"

³⁰⁶ Huno mudi wothe, vhathu, vho Li sedza. Nga duvha li penyaho li si na na makole huñwe fhethu na luthihi, li na ili Gole lihulu li no nga khavhu lo nembelela heneffo; li tshi tsela fhasi vhunga fanele, nahone li tshi humela murahu huno la tharamuwa.

³⁰⁷ Dzikhonani, huno-ha ndi a vala, ni nga tuwa u bva kha hezwi. Izwo ndi musi Izwi zwi tshi dzumbululwa kha nne, zwine nda khou yo ni vhudza zwa zwino, ngauralo ni songo Zwi pfela thungo.

³⁰⁸ Zwino ndi khou amba na vhattevheli vhashu fhedzi, vha no khou ntevhela na uyu Mulaedza fhedzi, hu si vha nga nn̄da. Ivhani thanzi yanga ya hezwi phanda ha Mudzimu. Zwi ya fhedzi kha itshi tshigwada!

³⁰⁹ Zwino ri wanwa ri kha ili vilinga nga nwambo wa theolodzhi yo ḥalutshedzwaho nga ndila i si yone. Naa izwo ndi zwone? Izwo ndi ngazwo vhoiñwi vhasadzi no mala lwa vhuvhili, na vhoiñwi vhanna, nga nwambo wa theolodzhi yo ḥalutshedzwaho nga ndila i si yone. Zwino ndi ḥodou ni sumbedza tshiñwe tshithu tshe A mmbudza.

³¹⁰ Huno arali Mudzimu, Musiki washu, o vhudzisa iyo mbudziso musi O vha e fhanu kha lifhasi, Yesu Kristo; na musi muporofita a phulusaho Wawe o da, Mushe, fhasi Egipita, u bvisa vhana kha la—la Egipita, u vha vhea shangoni lo fulufhedziswaho; huno Yesu o amba hafha uri Mushe o vhona vhathu vhe kha nyimele iyi, huno a vha tendela linwalo la thalano, ngauri nzulele yo vha i zwe ya vha i zwone. Mushe o wana zwo raloho, sa, "Kha mu nee . . ." Mudzimu o tendela Mushe, uyo muporofita o rumelwaho kha vhathu, u vha nea ili linwalo la thalano.

³¹¹ Huno kha Vhakorinta Ya U Thoma, ndi—ndima ya 7, ndimana ya 12 na ya 15, kha muporofita wa Testamente Ntswa, Paulo, we a ḥangana na tshenetshi tshithu tshithihi tshivhidzoni, huno a amba hezwi, "Izwi ndi nne, a si Murena." Naa izwo ndi zwone? Nga nwambo wa nyimele ya thalano.

³¹² "Zwo vha zwi songo ralo u bva mathomoni." Fhedzi Mushe o tendelwa zwone, huno Mudzimu a zwi dzhia sa u luga. Huno Paulo na ene o vha e na pfanelo, musi a tshi wana tshivhidzo tshawe tshi kha nyimele yeneyo.

³¹³ Zwino inwi ni tenda uri Ili ndi ngoho, nahone na tenda uri Li bva ha Mudzimu! Huno nga khwathisedzo ya Gole Lawe na Mulaedza Wawe we wa ntswikisa hafha, Mudzimu thavhani o vha a si nga ntendeli u ita zwenezwo zwithihi, u ni tendela u bvela phanda na ndila ine na vha ngayo, huno na si tsha dovha

na zwi ita! Tuwani na vhafumakadzi vhanu huno ni tshile nga mulalo, ngauri tshifhinga tsho ḥuwa. U Da ha Murena hu tsini. A ri na tshifhinga tsha u kwashékanya ḥezwi zwithu. Ni songo lingedza u dovha na zwi ita! Ndi khou amba fhedzi na tshivhidzo tshanga. Fhedzi arali no mala... Huno Mudzimu e ḥanzi yanga ya hezwo, thavhani, uri ndi nga amba Iyi, nzumbululo ya nthā ha mupo, nga nthani ha u pfunululwa ha Mapfundo a Sumbe, huno iyi ndi mbudziso kha Ipfi la Mudzimu. "I ri vha dzhene vho ralo, huno vha si tsha ita tshivhi!"

³¹⁴ "Zwo vha zwi songo ralo u bva mathomoni." Izwo ndi zwone, zwo vha zwi songo ralo, huno a zwi nga do ralo magumoni. Fhedzi kha nyimele dza musalauno, sa mulanda wa Mudzimu... ndi nga si ḫivhidze muporofita Wawe; fhedzi ndi tenda uri khamusi, arali ndi sa do rumelwa hezwo, ndi khou mu lugisela musi a tshi da. Ngauralo kha nyimele dza musalauno, ndi a ni laya u ya hayani hanu, na mufumakadzi waṇu zwino. Arali ni tshi mu takalela, dzulani nae, alusani vhana vhanu nga u vha kwengweledzela zwa Mudzimu. Fhedzi Mudzimu a ni khathutshele arali na vhuya na zwi ita hafhu! Inwi ni funze vhana vhanu uri vha songo ita tshithu tsho raloho na kathihi, vha aluseni nga u vha kwengweledzela zwa Mudzimu. Huno zwino ngauri ni zwine na vha zwone, kha ri ḥuwe zwino, nga awara yo ḥuwesaho ya nga madekwana ine ra khou tshila khayo, huno "ri livhe kha tshilavhelelwa tsha mbidzo ya nthā ya Kristo," hune zwithu zwoṭhe zwa do konadzea.

³¹⁵ U swika ndi tshi ni vhona madekwana a ḥamusi, Murena Mudzimu a ni fhatutshedze, musi ri tshi rabela.

³¹⁶ Murena Mudzimu, ri U ḥea ndivhuwo. Ri U ḥea thendo. Iwe u onoula Jehovah muhulwane muthihi we a tendela Mushe. Mushe, uļa mulanda, huno u do vhudza vhatu vhawé mini? Huno, Mudzimu, Wo mu tendela u ḥea liñwalo la thalano. Paulo, muapostola muhulwane we a vha e muñwali wa Testamente Ntswa, sa Mushe o vha e wa Ndala. Mushe o ḥiwala Milayo na tshifhinga tsha milayo. Vhunzhi ha vhaporofita, maipfi avho o sokotedzwa Khalo, fhedzi Mushe o ḥiwala Milayo. Huno Wo mu tendela liñwalo, u vha ḥiwalela liñwalo la thalano, nga ḥiwambo wa u kondà ha mbilu dzavho.

³¹⁷ Paulo Mukhethwa muhulwane, e muñwali wa Testamente Ntswa, o kona-who u ita ndivhiso, ya uri, "Ndi amba kha nyimele idzi; nne, hu si Murena."

³¹⁸ Na ḥamusi zwo ralo, Murena Mudzimu, vhufheloni ha shango, musi ri fhano nga khathutshelo ya Mudzimu, ri tshi ḫivha uri hu si kale ri do tea u fhindula Vhuhoneni Hawe. Na uri Wo ita zwinzhi nga maanda, Murena, ndi na ngoho, maṭoni a havha vhatu, vha do fara Heli vhunga Li bva kha Iwe. Huno u vha ḥanzi fhano ḥamusi, ya vhatu vhanzhi vho dzulaho fhano vhe vha vhuya vha vhona itsho Tshiga nthā thavhani, he Vharuṇwa vha Murena vha da nga

tshiđumbumukwe, he tsha ḏa nga Vharuňwa vha sumbe, he u dzumbululwa ha Zwiphiri zwa Sumbe ha petuluwa; huno onoyo Muruňwa muthihi, siani ḫeneļo lithihi, kha thavha yeneyo nthihi, ḫuvha ḥe Heli ḥa dzumbululwa!

³¹⁹ Mudzimu, ndi rabela uri vhathu vha ḏo ya hayani vha tshi livhuwa uri Mudzimu o vha tendela itshi tshilidzi. Nne ndo tou Li amba fhedzi, Murena, nga thendelo. Huno ndi Li amba fhedzi nga thendelo, Murena. Huno vhathu kha vha vhe vha livhuwaho nga maanđa lune na kathihi vha sa ḏo lingedza u ita itsho tshivhi hafhu! Huno ngavhe vha sa lingedzi u ita tshiňwe tshivhi-vho na kathihi, fhedzi vha U funa nga mbilu dzavho dzothe. Murena, ita uri iyi miňa i takale, huno ngavhe vha tshi aluwa nahone vha alusa vhana vhavho nga u vha kwengweledzela zwa Mudzimu.

³²⁰ Ngauri, Mulaedza wanga we wa vha u mbiluni yanga wo newa, Murena. Ndo ita zweithe zwe nda ḫivha uri zwi itwa hani. Huno Saňane o nndwisa lwa dzivhege, na dziawara hu si na u eđela. Fhedzi zwino ndi a Li laya, Murena, kha avha vhathu, uri vha Li gude, huno vha ḫuwe nahone vha U tshirele. Zwi tendele, Murena. A Li tsha vha kha mahada anga zwino. Vha zwandani Zwau. Ndi rabela uri Iwe u ḏo vha fhaňutshedza.

³²¹ Fhaňutshedza zwisagaduku izwi, Murena, zwine zwa kha di bva u vhewa hafha nňha, u itela vhalwadze na vha ḫupheaho. Ngavhe vhusiku uvhu vhu tshi vha vhuňwe ha masiku mahulwane, a maanđa, vhune vhathu vhothe vha ḏo fhola. Zwi tendele, Murena. Ri fhaňutshedze rothe.

³²² Ngavhe ri tshi ḫuwa nga mulalo, ro takala nahone ri tshi pembela, ngauri Mudzimu wa tsiko o ri sumbedza “u bva mathomoni,” huno a ri engedzela, tshilidzi Tshawe hafhu, kha vilinga ḫashu line ra vha khaļo, mađuvhani aya a u fhedzisela. Oo Mudzimu Muhulwane na wa U Ya Nga Hu Sa Fheli, ri U livhuwa hani khazwo! Huno ngavhe mbilu dzashu dici tshi takala nga maanđa, lune ri si tsha ḏo dovha ra vha na luňwe lutamo lwa u U khakhela. Dzinani ḥa Yesu. Amene.

Ndi a Mu funa, (ndi ngani inwi ni sa tei u Mu funa?) Ndi a Mu funa
 Ngauri O funa nne u thoma
 Huno o renga tshidzo yanga
 Kha wa Khalivari...

³²³ Ndi a zwi amba zwino uri vhashumeli vha zwi pfesese. Ilí ndi ḥa avho vha no tevhela uyu Mulaedza fhedzi!

³²⁴ Oo, naa no takala? [Tshivhidzo tshi ri, “Amene.”—Mudz.] Ndo ni vhudza Ngoho, U RALO MURENA, ndilani yothe! [“Amene!”]

³²⁵ Zwino kha ri ime nahone ri imise zwanda zwashu, musi ri tshi dovha u lu imba, “Ndi a Mu funa.” Ndi Mu funela tshilidzi Tshawe. Ndi Mu funela khathutshelo Yawe. Ndi Mu funela Ipfi Lawe. “Huno Ipfi ja Murena lo dela vhaporofita!”

Ndi a Mu funa.

³²⁶ Idani, mukomana. [Mukomana Branham u wana muñwe uri a de a balanganye tshivhidzo—Mudz.] 

MBINGANO NA THALANO TSV65-0221M
(Marriage And Divorce)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Luhuhi 21, 1965, kha Tshikolo Tsha N̄tha Tshīuku Tsha Parkview kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshiven̄da yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org